

尸

子

漢書藝文志雜家尸子二十篇隋唐志並同宋時全

書已亡王應麟漢志攷證云李淑書目存四卷館閣

書目止存二篇合為一卷其本皆不傳近所傳者有

震澤任氏本元和惠氏本陽湖孫氏本任本凡三篇

曰仁意曰君治曰廣釋實皆攔摭佚文傅會舊目廣釋

即爾雅疏所引廣澤仁意亦見爾雅疏君治無攷諸子彙函有此篇乃聯綴羣書虛造名目不足据也

繼培初讀其書就所攬掇表識出處糾拾遺謬是正

文字後得惠孫之書以相比校頗復有所疑異迺集

平昔疏記稍加釐訂以羣書治要所載為上卷諸書

稱引與之同者分注於下其不載治要而散見諸書

者爲下卷引用違錯及各本誤收者別爲存疑附於

後謹按劉向別錄

史記孟荀列傳集解引

稱尸子書凡六萬餘

言今茲撰錄蓋十失八可爲歎息然繇所槩見推竟

端委尚有可意會者張湛注列子其序云莊子慎到

韓非尸子淮南玄示旨歸多稱其言今按歸人之說

見天瑞篇言行響影之說見說符篇其所誦述定非

數言淮南子墜形訓云水圓折者有珠方折者有玉

清水有黃金龍淵有玉英又云北極有不釋之冰其

說皆本尸子章懷太子注後漢書

宦者呂強傳

謂尸子書

二十篇十九篇陳道德仁義之紀一篇言九州險阻

水泉所起墜形之文當在此篇準是以求則墜形訓  
九山九塞九藪及水泉諸說必皆仍用尸子可知又  
因引贖人而知爲子貢事引悅尼來遠而知爲葉公  
問政引湯德及禽獸而知爲解網觸類引伸課虛以  
責有是在好學者之深思矣劉向序荀子謂尸子著  
書非先王之法不循孔氏之術劉勰又謂其兼總雜  
術術通而文鈍今原書散佚未究大旨諸家徵說率  
皆採擷精華翦落枝葉單詞賡諛轉可寶愛其書原  
本先民時有竊取後出諸子又或餐挹其中傳相蹈  
襲今輒刺取各書略明歸出欲以證釋同異史記孟

荀列傳言楚有尸子集解引劉向別錄云楚有尸子  
疑謂其在蜀今按尸子書晉人也名佼秦相衛鞅客  
也衛鞅商君謀事畫計立法理民未嘗不與佼規也  
商君被刑佼恐并誅乃亡逃入蜀漢志班固自注又  
以佼爲魯人晉魯字形相近未能定其然否云嘉慶  
十有六年歲在重光協洽陽月月旣望蕭山汪繼培

識

尸子卷上

蕭山汪繼

勸學

學不倦所以治己也教不厭所以治人也

四句亦見太平御覽

六百十三說苑說叢云學問不倦所以治己也教誨不厭所以治人也文子上仁老子曰學而不厭所以治身也教而不倦所以治民也孟子公孫丑篇孔子曰我學不厭而教不倦也子貢曰學不厭智也教不倦仁也亦見呂氏春秋尊師篇夫蘭舍而不治則腐蠹而棄使女工

繼之以爲美錦大君服而朝之

一作人君朝而服之按鹽鐵論殊路篇云

干越之鋌不厲匹夫賤之工人施巧人主服而朝也語意本此大君見易師卦

身者蘭也舍

而不治則知行腐蠹使賢者教之

原作

以爲世士則

天下諸侯莫敢不敬

夫繭以下据御覽六百十三八

五繭之性為絲弗得女工燔以沸湯抽其統理不成

為絲淮南子秦族訓同劉子新論崇學篇云夫蠶繅

以為絲織為縑統績以黼黻則王侯服之人學為禮

儀雖以文藻而世人榮之蠶之不繅則素絲蠹於筐

籠人之不學則才是故子路卜之野人見史記仲尼

智腐於心曾本此

解文選辨命論注

作東鄙之野人

子貢衛之賈人見御覽八百廿

顏

涿聚盜也顯孫師馭也孔子教之皆為顯士文選辨

命論注顯作賢韓詩外傳八子路卜之野人也子貢

衛之賈人也皆學問於孔子遂為天下顯士荀子大

略篇云子贛季路故鄙人也被文學服禮義為天下

列士呂氏春秋尊師篇云子張魯之鄙家也顏涿聚

梁父之大盜也學於孔夫學譬之猶礪也昆吾之金

子為天下名士顯人

四字見山海經十八注史記司馬相如傳集解前漢

書相如傳注文選子虛賦注又玉篇一昆吾字從玉

而銖父之錫使干越之工

新序雜事一船人固桑曰劍產干越莊子刻意篇干

越之劍釋文司馬云干吳也吳越出善劍也荀子勸

學篇干越夷貊之子楊倞注云干越猶言吳越劉台

拱荀子補注云干與吳城邢溝通江淮之邢同鑄之

淮南原道訓干越生葛絺高誘注亦云干吳也

以爲劍而弗加砥礪則以刺不入以擊不斷磨之以

礪礪加之以黃砥則其刺也無前其擊也無下自是

觀之礪之與弗礪其相去遠矣今人皆知礪其劍而

弗知礪其身夫學身之礪砥也

使干越之工以下見御覽七百六十七礪

砥作砥礪又六百七引今人以下礪其劍礪其身上

並有砥字北堂書鈔八十三同山海經三注引加玄

黃砥玄乃呂之譌古者通以錫雜銅爲兵器吳越春

秋言赤堇之山破而出錫若耶之溪澗而出銅區冶

子因以造純鉤之劍銖父之錫亦赤堇類也御覽誤

錫爲鐵孫氏据之以改正文非也淮南子修務訓云



夫純鈎魚腸之始下型擊則不能斷刺則不能入及  
加之砥礪摩其鋒鏑則水斷龍舟陸刺犀甲夫學亦  
人之砥也本此夫子曰車唯恐地之不堅也舟唯恐水之不

深也有其器則以人之難爲易夫道以人之難爲易

也是故曾子曰父母愛之喜而不忘父母惡之懼而

無咎然則愛與惡其於成孝無擇也

曾子以下見文選弔魏武帝文

注懼作禮下有今人雖未得愛不得惡矣二句按史所引曾子見大孝篇懼而無咎曾子作懼而無怨

鮪曰君親而近之至敬以遜貌而疏之敬無怨然則

親與疏其於成忠無擇也孔子曰自娛於矜括之中

直已而不直人以善廢而不邑邑蘧伯玉之行也

韓詩

外傳二云外寬而內直自設於隱括之中直已不直人善廢而不悒悒蘧伯玉之行也大戴禮衛將軍文

子篇善廢句作以善存亡汲汲家語弟  
子行作汲汲於仁以善自終設作極  
然則興與廢

其於成善無擇也屈侯附曰賢者易知也觀其富之

所分達之所進窮之所不取  
韓詩外傳三魏文侯欲置相召李克問曰寡人

欲置相非翟黃則魏成子願卜之於先生李克曰夫

觀士也居則視其所親富則視其所與達則視其所

舉窮則視其所不爲貧則視其所不取此五者足以

觀矣史記魏世家說苑臣術篇並同此以爲屈侯附

語疑誤附卽翟黃所進者  
然則窮與達其於成賢無

擇也是故愛惡親疏廢興窮達皆可以成義有其器

也桓公之舉管仲穆公之舉百里比其德也此所以

國甚僻小身至穢污而爲政於天下也  
說苑尊賢篇云齊景公問

於孔子曰秦穆公其國小處僻而霸何也對曰其國

小而志大雖處僻而其政中其舉果其謀和其令不

倫親舉五穀大夫於係纆之中與之語三日而授之政以此取之雖王可也霸則小矣又云或曰將謂桓公仁義乎弑兄而立非仁義也將謂桓公恭儉乎與婦人同輿馳於邑中非恭儉也將謂桓公清潔乎閨門之內無可嫁者非清潔也此三者亡國失君之行也然而桓公兼有之以得管仲隰朋九合諸侯一匡天下畢朝周室爲五霸長以其得賢佐也今非比志意也而原比容貌非

比德行也而論爵列亦可可上疑脫不字以御敵服遠矣農

夫比粟商賈比財烈士比義三句見意林及御覽八

義之與比說苑說叢云君子比義農夫比穀莊子徐無鬼篇云農夫無草萊之事則不比商賈無市井之事則不比是故監門逆旅農夫陶人皆得與焉爵列私貴

也德行公貴也奚以知其然也司城子罕遇乘封人

而下其僕曰乘封人也奚爲下之子罕曰古之所謂

良人者良其行也貴人者貴其心也今天爵而人良  
其行而貴其心吾敢弗敬乎以是觀之古之所謂貴  
非爵列也所謂良非先故也人君貴於一國而不達  
於天下天子貴於一世而不達於後世惟德行與天  
地相弊也爵列者德行之舍也其所息也詩曰蔽芾  
甘棠勿剪勿敗召伯所憩仁者之所息人不敢敗也  
毛傳云天子諸侯人之所以貴也桀紂處之則賤矣  
是故曰爵列非貴也今天下貴爵列而賤德行是貴  
甘棠而賤召伯也亦反矣夫德義也者視之弗見聽  
之弗聞天地以正萬物以徧無爵而貴不祿而尊也

原校云而舊作與按荀子儒效篇云君子無爵而貴無祿而富

鹿馳走無顧六馬不能望其塵所以及者顧也 意林御

覽九百六馳走作走而未句作謂不反顧也 呂氏春秋博志篇云使獐疾走馬弗及至已而得者其時

也顧

土積成嶽則梗枏豫章生焉水積成川則吞舟之魚

生焉夫學之積也亦有所生也 文選子虛賦注勵志詩注 意林作水積

則生吞舟之魚土積則生豫章之木學積亦有生焉御覽六百七豫章之木作梗枏豫章餘與意林同

以上二條諸書不云勸學篇文意林在農夫比粟條上知同在此篇附錄於後 荀子勸學篇云積土

成山風雨興焉積水成淵蛟龍生焉積善成德而神明自得聖心循焉說苑建本篇云水積成川則蛟龍

生焉土積成山則豫樟生焉學積成聖則富貴尊顯至焉

未有不因學而鑒道不假學而光身者也

書鈔八十  
三御覽

六百七十二書所引不云出勸學篇按劉子新論崇  
學篇云未有不因學而鑒道不假學以光身者也下  
接犬蠶繅以爲絲云云皆採尸子語  
知本書必同在一篇故附錄於此

### 貴言

范獻子遊於河大夫皆在君曰孰知欒氏之子大夫  
莫答舟人清涓舍楫而答曰君奚問欒氏之子爲君  
曰自吾亡欒氏也其老者未死而少者壯矣吾是以  
問之清涓曰君善修晉國之政內得大夫而外不失  
百姓雖欒氏之子其若君何君若不修晉國之政內  
不得大夫而外失百姓則舟中之人皆欒氏之子也

君曰善哉言明日朝令賜舟人清涓田萬畝清涓辭

君曰以此田也易彼言也

范獻子以下見御覽四百廿八六百廿四六百卅三

原木在作存据御覽改御覽六百廿四遊作泛善修作若修

子尚喪寡人猶得也

古之貴言也若此

書鈔卅引賜舟人田清涓亦見漢書古今人表中下御覽六百卅三

引裴氏新書曰丹涓有一言之善晉侯賜萬頃田辭而不受晉侯曰以此田易彼言也於子猶有所亡寡

人猶有所得丹蓋清之誤劉子新論貴言篇云范獻賤萬畝之田以貴舟人片說皆本此

臣天下一天下也

原本與上不分段按已下文義一與貴言之旨不合疑別爲一篇一

天下者令於天下則行禁焉則止桀紂令天下而不

行禁焉而不止故不得臣也

春秋繁露云君也者掌令者也令行而禁止也

今桀紂令天下而不行禁天下而

目之所美心以爲

不止安在其能臣天下也本此

不義弗敢視也口之所甘心以爲不義弗敢食也耳之所樂心以爲不義弗敢聽也身之所安心以爲不義弗敢服也然則令於天下而行禁焉而止者心也故曰心者身之君也天子以天下受令於心心不當則天下禍諸侯以國受令於心心不當則國亡匹夫以身受令於心心不當則身爲戮矣

心者以下見五行大義四長短

經德表篇注

禍之始也易除其除之不可者避之及其成

也欲除之不可欲避之不可治於神者其事少而功多干霄之木始若蘖足易去也

文選枚叔上吳王書云十圍之木始生而

蘖足可擗而絕手可擗而爪注引此三句干霄作干丈

及其成達也百人用斧



斤弗能值也。燹火始起，易息也。及其焚雲夢，孟諸雖

以天下之役，扞江漢之水，弗能救也。

淮南子人閒訓云夫燹火在纒

燹之中也一指所能息也及至火之燔孟諸而炎雲臺雖起三軍之衆弗能救也

孟夫禍之始

也。猶燹火藥足也。

足字衍

易止也。及其措於大事，雖孔

子墨翟之賢，弗能救也。屋焚而人救之，則知德之年

老者使塗隙戒突。

案突當作突說文云突深也一日竈突從穴火求省聲

故終

身無失火之患而不知德也。

漢書霍光傳人為徐生上書曰臣聞客有過主

人者見其竈直突傍有積薪客謂主人更為曲突遠徙其薪不者且有火患主人嘿然不應俄而家果失

火鄰里共救之幸而得息於是殺牛置酒謝其鄰人

灼爛者在於上行餘各以功次坐而不錄言曲突者羣書治要載桓子新論以為淳于髡事淮南入於囿子說山訓淳于髡之告火高誘注與新論同

圍解於患難者則三族德之教之以仁義慈悌則終

身無患而莫之德夫禍亦有突賢者行疑天下而務

塞之則天下無兵患矣而莫之知德也故曰聖人治

於神愚人爭於明也明原作神案墨子公輸篇云治於神者衆人不知其功爭於明

者衆人知之今據改天地之道莫見其所以長物而物長莫見

其所以亡物而物亡聖人之道亦然天地二句及此句見文選顏延

年釋莫其興福也人莫之見而福興矣其除禍也人

莫之知而禍除矣故曰神人淮南子泰族訓云天設日月列星辰調陰陽張

四時日以暴之夜以息之風以乾之雨露以濡之其

生物也莫見其所養而物長其殺物也莫見其所喪

而物亡此之謂神明聖人象之故其起福也不見其

所由而禍起其除禍也不見其所以而禍除亦見其

子精  
誠篇

益天下以財爲仁勞天下以力爲義分天下以

生爲神修先王之術除禍難之本使天下丈夫耕而

食婦人織而衣皆得戴其首父子相保此其分萬物之

以生益

原作

天下以財不可勝計也神也者萬物之

始萬事之紀也

墨子魯問篇云吳慮謂子墨子義耳

謂義者亦有力以勞人有財以分人乎吳慮曰有子  
墨子曰翟嘗計之矣翟慮耕天下而食之人矣盛然  
後當一農之耕分諸天下不能人得一升粟藉而以  
爲得一升粟其不能飽天下之飢者既可睹矣翟慮  
織而衣天下之人矣盛然後當一婦人之織分諸天  
下不能人得尺布藉而爲得尺布其不能煖天下之  
寒者既可睹矣翟慮被堅執銳救諸侯之患盛然後  
當一夫之戰其不御三軍既可睹矣翟以爲不若誦  
先王之道而求其說通聖人之言而察其辭上說王  
公大人次說匹夫徒步之士王公大人用吾言國必

治匹夫徒步之士用吾言行必修故翟以爲雖不耕而食飢不織而衣寒功賢於耕而食之織而衣之者也故翟以爲雖不耕織乎而功賢於耕織也

#### 四儀

行有四儀一曰志動不忘仁二曰智用不忘義三曰力事不忘忠四曰口言不忘信慎守四儀以終其身名功之從之也猶形之有影聲之有響也是故志不忘仁則中能寬裕智不忘義則行有文理力不忘忠則動無廢功口不忘信則言若符節若中寬裕而行文理動有功而言可信也雖古之有厚功大名見於四海之外知於萬世之後者其行身也無以加於此

矣

明堂

夫高顯尊貴利天下之徑也非仁者之所以輕也何

以知其然耶

疑也

日之能燭遠勢高也使日在井中則

不能燭十步矣

荀子天論篇云日月不高則光暉不赫

舜之方陶也不

能利其巷下南面而君天下蠻夷戎狄皆被其福

舜之

方陶以下見御覽一百九十五下作也南面上有及字路史後紀十二注君作治被作蒙淮南子淑真訓

云舜之耕陶也不能利其里南面王則德施乎四海仁非能益也處便而勢利也

目在足下

則不可以視矣

足下不可以視遠雖明何益御覽三十步作遠遠作近六百廿無近字下並有君之於國

也猶天之有日居高則不明視不尊則不遠四句

又三百六十六及藝文類聚十七引使目在足下則不可以視書鈔廿九引居高視尊此書日在井中與目在足下不相接又無君之於國數句蓋刪節失次

天高明然後能燭臨萬物地廣大然後能載任羣體其本不美則其枝葉莖心不得美矣此古今之大徑也是故聖王謹修其身以

君天下則天道至焉地道稽焉萬物度焉古者明王

之求賢也不避遠近書高宗彤日釋文近作昵不論貴賤卑爵以

下賢輕身以先士故堯從舜於畎畝之中北面而見

之不爭禮貌孟子萬章篇厥邱蒙曰舜南面而立堯帥諸侯北面而朝之呂氏春秋求人篇

云堯傳天下於舜禮之諸侯妻以二女臣以十子身請北面朝之至卑也此先王之所以

能正天地利萬物之故也今諸侯之君廣其土地之

富而

疑

奮其兵革之強以驕士士亦務其德行美其

道術以輕上此仁者之所非也曾子曰取人者必畏

與人者必驕

說苑立節篇云曾子衣弊衣以耕魯君使人往致邑焉曰請以此修衣曾子不

受反復往又不受使者曰先生非求於人人則獻之奚爲不受曾子曰臣聞之受人者畏人予人者驕人

繼子有賜不我驕也我能勿畏乎終勿受家語

今說

者懷畏而聽者懷驕以此行義不亦難乎非求賢務士而能致大名於天下者未之嘗聞也夫士不可妄

致也覆巢破卵則鳳皇不至焉剗胎焚天則麒麟不

往焉竭澤漉魚則神龍不下焉

趙策諒毅曰臣聞之有覆巢毀卵而鳳皇

不翔剗胎焚天而麒麟不至又呂氏春秋應同篇云覆巢毀卵則鳳皇不至剗獸食胎則麒麟不來乾澤

涸漁則龜龍不往說苑  
權謀篇以爲孔子語

夫禽獸之愚而不可妄致也

而況於火食之民乎是故曰待士不敬舉士不信則

善士不往焉聽言耳目不瞿視聽不深則善言不往

焉

三句見長短經鈞  
情篇注騷作懼

孔子曰大哉河海乎下之也

下

疑脫能字淮南子說山訓云江河所以能長百谷者  
能下之也夫惟能下之是以能上之高誘注上大也

夫河下天下之川故廣人下天下之士故大故曰下

士者得賢下敵者得友下衆者得譽故度於往古觀

於先王非求賢務士而能立功於天下成名於後世

者未之嘗有也

管子五輔篇云古之聖王所以取明  
名廣譽厚功大業顯於天下不忘於

後世非得人  
者未之嘗聞

夫求士不遵其道而能致士者未之嘗



見也然則先王之道可知已務行之而已矣

分

天地生萬物聖人裁之

文選豪士賦序注無地字裁作財古字通按羣書治要六

韜太公曰天下有物聖人裁之新語道基篇云傳曰天生萬物以地養之聖人成之管子心術下云凡物載名而來聖人因而財之荀子非十二子

裁物以制

篇云一天下財萬物楊倞注財與裁同

分便事以立官  
見文選晉紀總論注下有以固其國四字當連上引左傳或多難句刻誤

接此君臣父子上下長幼貴賤親疎皆得其分曰治愛

得分曰仁施得分曰義慮得分曰智動得分曰適言

得分曰信皆得其分而後爲成人

君臣以下見長短經反經篇注

王之治民也事少而功立

下文作多按貴言篇治天下篇並作多

身逸

而國治言寡而令行事少而功多守要也身逸而國

治用賢也言寡而令行正名也君人者苟能正名愚

智盡情執一以靜令名自正令事自定韓非子揚榷  
篇云聖人執

一以靜使名自命令事自定申子  
大體篇云名自正也事自定也賞罰隨名民莫不

敬周公之治天下也酒肉不徹於前鐘鼓不解於懸

聽樂而國治勞無事焉周公以下見  
書鈔四十九飲酒而賢舉智

無事焉自爲而民富仁無事焉韓詩外傳四傳曰周  
平公酒不離於前鐘

石不解於懸而宇內亦治淮南子  
詮言訓云周公殺  
鑪不收於前鐘鼓不解於懸以輔成王而海內平

知此道也疑行者衆賢爲役愚智盡情矣

明王之道易行也勞不進一步聽獄不後臯陶食不

損一味富民不後虞舜樂不損一日用兵不後湯武  
書之不盈尺簡南面而立一言而國治堯舜復生弗  
能更也身無變而治國無變而王湯武復生弗能更  
也執一之道去智與巧有虞之君天下也使天下貢  
善殷周之君天下也使天下貢才四句見御覽八十一才作財夫  
至衆賢而能用之此有虞之盛德也

三人之所廢天下弗能興也三人之所興天下弗能  
廢也親曰不孝君曰不忠友曰不信天下弗能興也  
親言其孝君言其忠友言其信天下弗能廢也夫符  
節合之則是非自見行亦有符三者合則行自見矣

此所以觀行也諸治官臨衆者上比度以觀其賢案  
法以觀其罪吏雖有邪僻無所逃之所以觀勝任也  
羣臣之愚智日效於前擇其知事者而令之謀羣臣  
之所舉日效於前擇其知人者而令之舉羣臣之治  
亂日效於前擇其勝任者而令之治羣臣之行可得  
而察也擇其賢者而舉之則民競於行勝任者治則  
百官不亂知人者舉則賢者不隱知事者謀則大舉  
不失夫弩機損若黍則不鉤益若口則不發言者百  
事之機也

夫弩以下据原本北堂書鈔武功部補呂氏春秋察微篇云夫弩機差以米則不發

聖王正言於朝而四方治矣是故曰正名去僞事成

若化以實覈名百事皆成夫用賢使能不勞而治正  
名覆實不罰而威達情見素則是非不蔽復本原始  
則言若符節良工之馬易御也聖王之民易治也其  
此之謂乎

發蒙

若夫名分聖

當作明  
王二字

之所審也造父之所以與

與下  
當有

馬

字交者少操轡馬之百節皆與

疑

明王之所以與臣

下交者少審名分羣臣莫敢不盡力竭智矣天下之  
可治分成也是非之可辨名定也無

原校云無可過  
疑案當作夫

其實罪也弗及愚也是故情盡而不僞質素而無巧

故有道之君其無易聽

文有脫誤

此名分之所審也

呂氏春秋

審分覽云王良之所以使馬者約審之以控其轡而四馬莫敢不盡力有道之主其所以使羣臣者亦有轡其轡何如正名審分是治之轡已故案其實而審其名以求其情聽其言而察其類無使放悖夫名多不當其實而事多不當其用者故人主不可以不審名分也 若夫臨官治事者案

其法則民敬事任士進賢者保其後則民慎舉議國

親事者盡其實則民敬言孔子曰臨事而懼希不濟

論語述而篇子曰心也臨事而懼好謀而成曾子立事篇云臨事而慄者鮮不濟矣此蓋誤曾子之言爲

孔子 易曰若履虎尾終之吉

易履卦云履虎尾愬愬終吉

若羣臣之

衆皆戒慎恐懼若履虎尾則何不濟之有乎君明則

臣少罪夫使衆者詔作則遲分地則速是何也無所

逃其罪也言亦有地不可不分也君臣同地則臣有

所逃其罪矣

呂氏春秋審分覽云夫治身與治國一理之術也今以衆地者公作則邊有所

匿其力也分地則速無所匿遲也主亦有地臣主同地則臣有所匿其邪矣主無所避其累矣故陳

繩則木之枉者有罪措準則地之險者有罪審名分

則羣臣之不審者有罪

夫使衆者以下見長短經適變篇注末句有矣字陳繩三

句亦見意林陰上並有廢字

夫愛民且利之也愛而不利則非慈

母之德也好士且知之也好而弗知則衆而無用也

力於朝且治之也力而弗治則勞而無功矣三者雖

異道一也是故曰審一之經百事乃成審一之紀百

事乃理名實判爲兩合爲一是非隨名實賞罰隨是

非韓非子安危篇云安術有七一曰賞罰隨是非是則有賞非則有罰人君

之所獨斷也明君之立也正其貌莊其心虛其視不躁其聽不淫審分應辭以立於廷則隱匿疏遠雖有非焉必不多矣明君不用長耳目不行閒謀不強聞見形至而觀聲至而聽事至而應近者不過則遠者

治矣明者不失則微者敬矣

明君以下見長短經適變篇注廷作朝長耳目

上無用字按用字衍漢書楚元王傳云願長耳目長即言用也

家人子姪和臣妾力

則家富丈人雖厚衣食無傷也子姪不和臣妾不力則家貧丈人雖薄衣食無益也而況於萬乘之君

原脫

乎國之所以不治者三不知用賢此其一也雖知用



賢求不能得此其二也雖得賢不能盡此其三也

國

以下見御覽四百二雖知用賢求不能得作或求賢不能得雖得賢句作用賢不能盡書鈔廿一引不知

用正名以御之則堯舜之智必盡矣明分以示之則

桀紂之暴必止矣賢者盡暴者止則治民之道不可

以加矣聽朝之道使人有分有大善者必問孰進之

有大過者必云孰任之而行賞罰焉且以觀賢不肖

也聽朝以下見適變注云作問今有大善者不問孰

兩問字下行字下皆有其字

進之有大過者不問孰任之則有分無益已問孰任

之而不行賞罰則問之無益已是非不得盡見謂之

蔽見而弗能知謂之虛知而弗能賞謂之縱三者亂

之本也明分則不蔽正名則不虛

二句見注

賞賢罰暴則

不縱三者治之道也於羣臣之中賢則貴之不肖則

賤之

二句見注

治則使之不治則口之忠則

原脫四字依上文例補三

字

愛之不忠則罪之賢不肖治不治忠不忠由是觀

之猶白黑也

賢不肖及忠不忠以下見注由是作以道管子明法解云以戰功之事定勇怯

以官職之治定愚智故勇怯愚智之見也如白黑之分春秋繁露五行五事篇云視日明明者知賢不肖

者分明白黑也

陳繩而斲之則巧拙易知也夫觀羣臣亦有

繩以名引之則雖堯舜不

疑必

服矣春秋繁露深察名號篇云欲審曲直

莫如引繩欲審是非莫如引名名之審於是非也猶繩之審於曲直也詰其名實觀其離合則是非之情

不可以相譴已慮事而當不若進賢進賢而當不若知賢知

賢又能用之備矣治天下之要在於正名正名去偽  
 事成若化苟能正名天成地平為人臣者以進賢為  
 功為人君者以用賢為功四句見長短經是非篇及大體篇注兩功字下皆有  
 也為人臣者進賢是自為置上也自為置上而無賞  
 是故不為也進不肖者是自為置下也自為置下而  
 無罪是故為之也使進賢者必有賞進不肖者必有  
 罪無敢進也者為無能之人若此則必多進賢矣

恕

恕者以身為度者也己所不欲毋加諸人惡諸人則  
 去諸己欲諸人則求諸己此恕也論語衛靈公篇子貢問曰有一言而

可以終身行之者乎子曰其恕乎已所不欲勿施於人禮記大學篇云君子有諸已而后求諸人無諸已而后非諸人所藏乎身不恕而能喻諸人者未之有也

農夫之耨去害苗者也

賢者之治去害義者也

四句見意林淮南子說山訓云治國者若耨田去害苗者

而慮之無益於義而慮之此心之穢也道之無益於

義而道之此言之穢也爲之無益於義而爲之此行

之穢也慮中義則智爲上言中義則言爲師事中義

則行爲法射不善而欲教人人不學也行不修而欲

談人人不聽也夫驥惟伯樂獨知之不害其爲良馬

也楚策汗明曰夫驥之齒至矣服鹽車而上太行蹄申膝折尾湛附潰漉汁灑地白汗交流中阪遷延

負轅不能上伯樂遺之下車攀而哭之解紵衣以繫之驥於是俯而噴仰而鳴聲達於天若出金石聲者

何也彼見伯樂之知己也  
行亦然惟賢者獨知之不害其爲善士也

### 治天下

治天下有四術一曰忠愛二曰無私三曰用賢四曰  
度量度量通則財足矣用賢則多功矣無私百智之  
宗也忠愛父母之行也

治天下以下見御覽七十七  
父母作君父文選東京賦注

引作治國有四術一忠愛二無私三  
用賢四簡能書鈔廿七引治有四術奚以知其然父

母之所畜子者非賢強也非聰明也非俊智也愛之  
憂之欲其賢已也人利之與我利之無擇也此父母  
所以畜子也然則愛天下欲其賢已也人利之與我

利之無擇也則天下之畜亦然矣此堯之所以畜天

下也有虞氏盛德見人有善如已有善見人有過如

已有過見人有善四句見意林下云此虞氏盛德也

文選竟陵文宣王行狀注引見人有過則如

已有過有虞氏之盛德也路史後紀十二注引云有

虞之君使天下貢善其治天下見人有善云云有虞

之君二句見上分天無私於物地無私於物襲此行

篇羅氏蓋合舉之者謂之天子誠愛天下者得賢得賢上有脫字奚以知其然

也弱子有疾慈母之見秦醫也不爭禮貌在囹圄其

走大吏也不愛資財視天下若子是故其見醫者不

爭禮貌其奉養也不愛資財故文王之見太公望也

一日五反桓公之奉管仲也列城有數此所以國甚

原本國甚二字作  
其据勸學篇改

僻小身至穢污而爲正

勸學作政

於天

下也鄭簡公謂子產曰飲酒之不樂鐘鼓之不鳴寡人之任也國家之不父朝廷之不治與諸侯交之不得志子之任也子無入寡人之樂寡人無入子之朝自是以來子產治鄭城門不閉國無盜賊道無餓人

孔子曰若鄭簡公之好樂雖抱鐘而朝可也

鄭簡公以下見

初學記十六子無入寡人之樂三句城門不閉句並据補韓非子外儲說左上云子產相鄭簡公謂子產曰飲酒不樂也俎豆不大鐘鼓竽瑟不鳴寡人之事不一國家不定百姓不治耕職不輯睦亦子之罪子有職寡人亦有職各守其職子產退而爲政五年國無盜賊道不拾遺桃棗蔭於街者莫有援也錐刀遺道三日可反三年

夫用賢身樂而名附事少而功多

不變民無飢也

國治而能逸

凡治之道莫如因智智之道莫如因賢譬之猶相馬

而借伯樂也

呂氏春秋贊能篇云得十良馬不若得一伯樂高誘注伯樂善得馬相玉

而借猗頓也

淮南子汜論訓云玉工眩玉之似碧盧者惟猗頓不失其情高誘注猗頓魯之

富人能知玉理亦必不過矣今有人於此盡力以爲舟濟大

水而不用也盡力以爲車行遠而不乘也則人必以

爲無慧今人盡力以學謀事則不借智處行則不因

賢舍其學不用也此其無慧也有甚於舍舟而涉舍

車而走者矣

仁意



治水潦者禹也播五種者后稷也聽獄折衷者臯陶

也舜無爲也而天下以爲父母

治水潦以下見長短經適變篇注種作穀

末句作而爲天下父母韓詩外傳二夫闢土殖穀者后稷也決江疏河者禹也聽獄折中者臯陶也然而

聖后者堯也蓋本此亦見淮南子詮言訓愛天下莫甚焉天下之善者惟

仁也夫喪其子者苟可以得之無擇人也仁者之於

善也亦然是故堯舉舜於畎畝湯舉伊尹於雍人

尚賢中云古者舜耕歷山陶河瀕漁雷澤堯得之服澤之陽舉以爲天子伊摯有莘氏女之私臣親爲庖

人湯得之舉以爲已相內舉不避親外舉不避讎仁者之於善

也無擇也無惡也惟善之所在

韓非子說疑篇云內舉不避親外舉不避讎是在焉從而舉之非在焉從而堯問於舜曰何事

罰之是以賢良遂進而姦邪並退

舜曰事天問何任曰任地問何務曰務人堯問以下見御覽八

十一原脫問何任四句据御覽補書鈔十五引事天任也也即地之誤唐類函廿六載書鈔作事天任人

亦平地而注水水流溼均薪而施火火從燥召之類

也是故堯爲善而衆美至焉桀爲非而衆惡至焉呂氏

春秋應同篇云平地注水水流溼均薪施火火就燥春秋繁露同類相動篇云平地注水去燥就溼均薪

施火去溼就燥百物其去所與異而從其所與同又云美事召美類惡事召惡類邵析子轉辭篇鬼谷子

摩篇荀子勸學篇大畧篇並有此言

燭於玉燭飲於醴泉暢於永風春爲青陽夏爲朱明

秋爲白藏冬爲玄英四時和正光照此之謂玉燭甘

雨時降萬物以嘉高者不少下者不多此之謂醴泉

其風春爲發生夏爲長羸秋爲方盛冬爲安靜四氣

和爲通正此之謂永風

爾雅釋天疏引仁意篇述太平之事云云四時困學紀聞

入作四氣海錄碎事十八作四時之氣和四氣任本作四時按爾雅方盛作收成靜作寧永作景注云此亦四時之別號尸子皆以爲太平祥風御覽十九引尸子云翔風瑞風也一名景風一名惠風春爲發生夏爲長羸秋爲收成冬爲安寧注云爾雅以爲四時之別名也按翔風云云乃符瑞圖之文見御覽八百七十二此卷誤引爲尸子孫氏据之以補爾雅疏非也

舜南面而治天下天下太平燭於玉燭息於永風食於膏火飲於醴泉舜之行其猶河海乎千仞之溪亦滿焉螻蟻之穴亦滿焉由此觀之禹湯之功不足言

也

御覽八十一燭於之燭作調天中記十一文選安陸昭王碑文注兩焉字並作之後紀十二

注首句作舜之德無不該南面而治天下河作江焉亦作之言也作尚矣諸書引此條並不云仁意篇按爾雅疏引燭於玉燭以下以爲仁意篇述太平之事云云文正與此相屬知本書必同在一篇故錄附於此膏火當作青露禮記禮運篇亦云天降膏露地出醴泉尸子於青露當有釋詞爾雅不及膏露故疏引尸子不具爲可惜也

廣澤

原脫澤字據爾雅疏補

因井中視星所視不過數星自邱上以視則見其始出又見其入非明益也勢使然也夫私心井中也公心邱上也因井中以下見類聚一御覽六百廿九類聚御覽四百廿九始出下並有也字御覽六又作則見始多也故智載於私則所知少載於公則所知多矣何以知其然夫吳越之國

以臣妾爲殉中國聞而非之怒則以親戚殉一言

荀子

榮辱篇注引云非人君之用兵也以爲民傷鬪則以親戚殉一言而不顧之也蓋卽此文

夫智在

公則愛吳越之臣妾在私則忘其親戚非智損也怒

弇之也好亦然語曰莫知其子之惡也

禮記大學篇云好而知其

惡惡而知其美者天下鮮矣故諺有之曰人莫知其子之惡莫知其苗之碩

非智損也愛

弇之也是故夫論貴賤辨是非者必且自公心言之

自公心聽之而後可知也

夫吳越之國以下見長短經昏智篇怒上有及字好

亦然下有矣字惡下無也字是故下無夫字文選鄒陽獄中書注引論是非者自公心聽之而後可知也

匹夫愛其宅不愛其隣諸侯愛其國不愛其敵天子

兼天下而愛之大也

墨子貴兼孔子貴公皇子貴衷田子貴均列子貴虛

料子貴別囿孫本云囿字宋本爾雅疏作原按當作別囿呂氏春秋去宥篇云鄰父有與人

鄰者有枯梧樹其鄰之父言梧樹之不善也鄰人遽

伐之鄰父因請而以為薪其人不說曰鄰者若此其

險也豈可為之鄰哉此有所宥也夫請以為薪與弗

請此不可以疑枯梧樹之善與不善也齊人有欲得

金者清旦被衣冠往鬻金者之所見人操金攫而奪

之吏搏而束縛之問曰人皆在焉子攫人之金何故

對吏曰殊不見人徒見金耳此真大有所宥也夫人

有所宥者固以晝為昏以白為黑以堯為桀宥之為

敗亦大矣亡國之主其皆甚有所宥耶故凡人必別  
宥然後知別宥則能全其天矣宥與囿通呂覽之說  
蓋本其學之相非也數世矣而已皆身於私也何氏  
焯云  
料子  
而下疑  
脫不字  
天子  
疑  
天帝皇后辟公弘廓宏孫云宋本爾雅疏作  
關按關當作闕宏闕  
古字  
溥介純夏撫冢陞取皆大也十有餘名而實一

也若使兼公虛均衷平易別囿一實也則無相非也

爾雅釋詁疏引廣澤篇注作

此皆大有十餘名而同一實

贖人春秋察微篇云魯國之法魯人爲人臣妾於諸

侯有能贖之者取其金於府子貢贖魯人於諸侯來

而讓不取其金孔子曰賜失之矣自今以往魯人不

贖人矣取其金則無損於行不取其金則不復贖人

矣子路拯溺者其人拜之以牛子路受之孔子曰魯

人必拯溺者矣孔子見之以細觀化遠也又見淮南

子道應訓齊俗訓尸子所云贖人疑亦謂此事也

### 綽子

堯養無告

莊子天道篇堯曰吾不教無告不

人說苑君道篇河閒獻王曰禹出見罪人下車問而

云謂應湯武及禽獸此先王之所以安危而懷遠也

死人也

李

聖人於大私之中也爲無私

堯養以下見長短經大私篇無湯武及禽獸句

案呂氏春秋異用篇云湯之德及禽獸簡選篇云武王行賞及禽獸是湯武及禽獸之證也

其於

大好惡之中也爲無好惡舜曰南風之薰兮可以解

吾民之慍兮舜不歌禽獸而歌民

文選琴賦注引尸子曰舜作五絃之

琴以歌南風南風之薰兮可以解吾民之慍是舜歌也禮記樂記疏云聖證論引尸子及家語難鄭云昔者舜彈五絃之琴其辭曰南風之薰兮可以解吾民之慍兮南風之時兮可以阜吾民之財兮疑尸子本止二語而肅合家語稱之也又見史記樂書索隱韓非子外儲說左上有若曰昔者舜鼓五絃歌南風之詩而天下治韓詩外傳四引傳曰舜彈五絃之琴以歌南風而天下治淮南子詮言訓云舜彈五絃之琴而歌南風之詩以治天下又秦族訓云舜爲天子彈五絃之琴詠南風之詩而天下治越絕書十三范子曰舜彈五絃之琴歌南風之詩而天下治新語無爲篇云昔舜治天下也彈五弦之琴歌南風之詩風俗



通聲音篇云尚書舜彈五絃之琴歌南風之詩而天下治湯曰朕身有罪無及萬

方萬方有罪朕身受之墨子兼愛下湯曰惟予小子履敢用玄牡告於上天后曰

天今大旱卽當朕身履未知得罪於上下有善不敢蔽有罪不敢救簡在帝心萬方有罪卽當朕身朕身

有罪無及萬方論語堯曰篇作朕躬有罪無以萬方

有罪無及萬夫萬夫有罪在余一湯不私其身而私人與周語上內史過引湯誓同

萬方文王曰苟有仁人何必周親墨子兼愛中云昔者武王將事泰山

隧傳曰泰山有道曾孫周王有事大事旣獲仁人尚

作以祇商夏蠻夷醜貉雖有周親不若仁人萬方有

罪維予一人此言武王之事論語堯曰篇作雖有周

親不如仁人百姓有過在予一人按此以爲文王語

與墨文王原脫二字不私其親而私萬國先王非

無私也所私者與人不同也湯曰以下見長短經大私篇

松柏之鼠不知堂密之有美樅

爾雅釋山釋木注又疏類聚八十九

### 處道

孔子曰欲知則問欲能則學欲給則豫欲善則肄國亂則擇其邪人而去之則國治矣胷中亂則擇其邪欲而去之則德正矣天下非無盲者也美人之貴明目者衆也天下非無聾者也辨士之貴聰耳者衆也天下非無亂人也堯舜之貴可教者衆也孔子曰君者孟也民者水也孟方則水方孟圓則水圓

君下原本有子

字衍後漢書呂強傳引云君如杆民如水杆方則水方杆圓則水圓章懷注云杆字亦作孟韓非子外儲說左上引孔子曰爲人君者猶孟也民猶水也孟方水方孟圓水圓荀子君道篇云君者樂也樂圓而水

圓君者孟也  
孟方而水方

上何好而民不從昔者句踐好勇而民

輕死靈王好細腰而民多餓夫死與餓民之所惡也

君誠好之百姓自然而況仁義乎

管子法法篇云凡民從上也

之所言從情之所好者也上好勇則民輕死上好仁則民輕財故上之所好民必甚焉七主七臣篇云主好本則民好墾草萊主好貨則人賈市主好宮室則工匠巧主好文采則女工靡夫楚王好小畧而美人省食吳王好劍而國士輕死死與不食者天下之所共惡也然而爲之者何也從主之所欲也而況愉樂音聲之化乎韓非子二柄篇云越王好勇而民多輕死楚靈王好細腰而國中多餓人晏子外篇同墨子兼愛中云昔者楚靈王好上細腰靈王之臣皆以一飯爲節脇息然後帶扶牆然後起比期年朝有黧黑之色是其故何也君說之故臣能之也昔越王句踐好士之勇敢馴其臣和合之焚舟失火試其士曰越國之寶盡在此越王親自鼓其士而進之士聞鼓音破碎亂行蹈火而死者左右百人其餘越王擊金而

退之是故子墨子言曰乃若夫少食惡衣殺身而爲名此天下百姓之所皆難也若苟君說之則衆能爲之況兼相愛交相利與此異矣淮南子主術訓靈王好細腰而民有殺食自飢也越王好勇而民皆處危爭死楚策莫敖子華曰昔者先君靈王好小要楚士約食馮而能立式而能起食之可欲忍而不入死之可惡就而不避章聞之其君好發者其臣挾拾君王直不好若君王誠好賢皆可得而致之荀子君道篇靈王作莊王尹文子亦云楚莊愛細腰一國皆有飢色御覽三百七十引尹子孫本誤以爲尸子異文

桀紂之有天下也四海之內皆亂而關龍逢王子比干不與焉而謂之皆亂其亂者衆也堯舜之有天下也四海之內皆治而丹朱商均不與焉而謂之皆治

其治者衆也

堯舜以下見御覽八十劉子新論從化篇云楚靈王好細腰臣妾爲之約食餓

死者多越王句踐好勇而揖鬪蛙國人所惡今輕其所重死者衆命者人之所重死者人之所惡今輕其所重

重其所惡者何也從君所好也又云唐堯居上天下皆治而四凶獨亂猶曰堯治治者多也殷紂在上天下皆亂而三仁獨治猶曰紂亂亂者衆也皆本尸子此文長短經勢運篇注引桀紂以下作慎子疑誤

故曰君誠服之百姓自然卿大夫服之百姓若逸官長服之百姓若流夫民之可教者衆故曰猶水也

德者天地萬物得也義者天地萬物宜也禮者天地萬物體也使天地萬物皆得其宜當其體者謂之大仁德者以下見長短經政體篇注當其體下無者字食所以爲肥也壹飯而

問人曰奚若則皆笑之夫治天下大事也今人皆壹飯而問奚若者也食所以爲肥以下見長短經善亡篇末句作譬今人皆以壹飯而問

人奚若者也善人以治天地則可矣我奚爲而人善仲尼

曰得之身者得之民失之身者失之民不出於戶而

知天下不下其堂而治四方知反之於已者也呂氏春秋

先已篇云哀公曰有語寡人曰爲國家者爲之堂上而已矣寡人以爲迂言也孔子曰此非迂言也丘聞之得之於身者得之人失之於身者失之人不出於門戶而知天下治者其惟知反於已身者乎說苑政理篇又云衛靈公謂孔子曰有語寡人爲國家者謹之於廟堂之上而國家治矣其可乎孔子曰可愛人者則人愛之惡人者則人惡之知得之已者亦知得之人所謂不出於環堵之室而知天下者知反之已者也孔子集語引惡人者以下爲尸子老子云不出戶知天下不闚牖見天道尸子所本也

觀之治已則人治矣

神明

仁義聖智參天地天若不覆民將何恃何望文子道原篇云

天之道常生物而不有成化而不宰萬物恃之而生莫之知德恃之而死莫之知怨地若不載

民將安居安行聖人若弗治民將安率安將是故天

覆之地載之聖人治之聖人之身猶日也夫日圓尺

光盈天地聖人之身小其所燭遠

聖人之身猶日以見初學記十七

御覽三兩見一云聖人以日圓盈尺光滿天下聖人

居高明燭彌綸六合天中記一作聖人居室彌綸六

合猶聖人之身小其所燭遠矣諸子彙函又作聖人

居室而所燭彌綸六合疑皆誤呂氏春秋勿躬篇云

聖王之德融乎若日之始出極燭六合韓非子內儲

說上云夫日兼燭天下一物不能當也人君兼燭一

國一人一人聖人正已而四方治矣

御覽四百一無矣字下有故曰天地

之大府一句初學記十七作聖上綱苟直百目皆開

人中一正已也故曰天地之府也者正人者也身不正

德行苟直羣物皆正政

原作

則人不從

論語顏淵篇孔子曰政者正也子路篇子曰其身正不令而行其身不正雖令不從

是故不言而信不怒而威不施而仁

文子上仁篇老子曰不言而信

不施而仁不怒而威是以天心動化者也

有諸心而彼正謂之至政今人

曰天下

原脫

亂矣難以爲善此不然也夫飢者易食寒

者易衣

孟子公孫丑篇云飢者易爲食渴者易爲飲

此亂而後易爲德也

以上諸篇並見魏徵羣書治要据他書補勸學篇三條仁意篇二條廣澤篇二條綽子篇一條

# 尸子卷上終



尸子卷下

蕭山汪繼培輯

天地四方曰宇往古來今日宙

世說排調篇注 莊子齊物論釋文 首

句任本作上下四方升庵外集一作上下四旁按文  
子自然篇老子曰往古來今謂之宙四方上下謂之  
宇淮南子齊俗訓同莊子庚桑楚篇釋文引三蒼亦  
云四方上下為宇往古來今日宙上下四方之訓皆

子本文

日五色至陽之精象君德也五色照耀君乘土而王

御覽三 事類賦日賦注 路史後紀七注 御覽  
八百七十二引禮斗威儀云君乘土而王其政太平  
則日五色無主宋均曰五行之色不主於  
一也此五色照耀二句疑非尸子本文

少昊金天氏邑於窮桑日五色互照窮桑

御覽三 事類賦注

路史後紀七注 天  
中記一 海錄碎事一

使星司夜月司時猶使雞司晨也

類聚一百五十一引尸子云

使星司夜使月司使又引天子當作尸子候亦使之誤

文選陸士衡擬今日良宴會注引使

雞伺晨

海錄碎事一與類聚同

文選西都賦注薦禰衡表注按爾雅

虹霓為析駢 釋文覘為挈貳注云覘雌虹也見離騷

挈貳其別名見尸子疏云挈貳其別名也文見尸子是析駢當為挈貳 孫氏志祖云析駢挈貳蓋一也

彗星為機槍 開元占經五

春為忠東方為春春動也是故鳥獸孕寧草木華生

萬物咸遂忠之至也 類聚三寧疑字 御覽十九作鳥獸孕榮華生萬物遂五行大

義一引云東者動也震氣故動尚書大傳云東方者何也動方也物之動也何以謂之春春出也物之出也故曰東方春也漢書律歷志云少陽者東方東動也陽氣動物於時爲春春蠢也物蠢生運動運禮記鄉飲酒義云東方者春春之爲言蠢也產萬物者聖也白虎通五行篇云春之爲言僣僣動也位在東方釋名云春蠢也動而生也

夏爲樂南方爲夏夏興也南任也是故萬物莫不任

興蕃殖充盈樂之至也類聚三 御覽廿二 尚書大傳云南方者何也任方也

任方者物之方任何以謂之夏夏者假也假者吁茶萬物而養之外也故曰南方夏也律歷志云太陽者南方南任也陽氣任養物於時爲夏夏假也物假大乃宣平禮記云南方者夏夏之爲言假也養之長之假之仁也白虎通云夏之言大也位在南

秋爲禮西方爲秋秋肅也萬物莫不肅敬禮之至也

注莫不作草木誤 尚書大傳云西方者何也鮮方也鮮

字至作主誤 入之貌始入者何以謂之秋秋者愁也

訊也訊者始入也故曰西方者秋也律歷志云少

愁者西方愁而入也陰氣遷落物於時為秋秋糞也物

陰者乃成孰禮記云西方者秋秋之為言愁也其位西

以時察守義者也白虎通云秋之為言愁也其位西

方釋名云秋緡也緡

追品物使時成也

冬為信北方為冬冬終也北伏方也是故萬物至冬

皆伏貴賤若一美惡不減信之至也 御覽廿七 減

記五廣博物志四改 至字据五行大義一補伏方

也五行大義作伏也又引云冬終也萬物至此終藏

也廣韻二冬 史記五帝紀索隱引云北方者伏

方也 尚書大傳云北方者何也伏方也萬物之方

伏物之方伏則何以謂之冬冬者中也中也者萬物

方藏於中也故曰北方冬也律歷志云太陰者北方

北伏也陽氣伏於下於時爲冬冬終也物終藏乃可  
稱禮記云北方者冬冬之爲言中也中者藏也白虎  
通云冬之爲言終也其位在北方冬也下云陽盛則呼茶  
終成也又尚書大傳北方冬也下云陽盛則呼茶  
萬物而養之外也陰盛則呼吸萬物而藏之內也故  
曰吁吸也者陰陽之交接萬物之終始尸子任本美  
惡不滅下有陰陽交接萬物  
之始生二句蓋涉大傳而誤

晝動而夜息天之道也

文選陶淵  
明雜詩注

八極之內有君長者東西二萬八千里南北二萬六

千里故曰天左舒而起牽牛地右闢而起畢昴

御覽  
卅七

事類賦地賦注

任本云闢一作開

山海經中

山經云天地之東西二萬八千里南北二萬六千里

亦見管子地數篇輕重乙篇呂氏春秋有始覽淮南

子墜形訓又御覽卅六引河圖括地象曰八極之廣

東西二億三萬三千里南北二億三萬一千五百里

夏禹所治四海內地東西二萬八千里南北二萬六

三

湖海樓羅本

千里又云地廣東西二萬八千南北二萬六千  
有君長之州有九阻中土之文德及而不治

八極爲局

文選左太  
沖雜詩注

凡水其方折者有玉其圓折者有珠清水有

一作黃

金龍淵有

一作生

玉英

類聚入百三八百五  
御覽五十八七十八

文選蜀都賦吳

都賦文賦顏延年贈王太常詩注

山海經注一二

穆天子傳二注淵作泉玉篇玉部瑛字注云美

石似玉尸子龍淵玉光也水精謂之玉瑛也

淮南子墜形訓云水圓折者有珠方折者有玉清水有黃

金龍淵有玉英土

地各以其類生

朔方之寒冰厚六尺木皮三寸北極左右有不釋之

冰

初學記三兩引冰一作地凍與廣志相涉而誤

書鈔一百五十六

御覽卅四

淮南子墜形訓

云北方有不釋之冰漢書鼂錯傳云胡貉之地木皮三寸冰厚六尺

寒凝冰裂地

文選上林賦注 春秋繁露循天之道 篇云是故陰陽之會冬合北方而物動

於下夏合南方而物動於上上下下之大動皆在日至 之後爲寒則凝冰裂地爲熱則焦沙爛石氣之精至 是於

荆者非無東西也而謂之南其南者多也

文選魏都賦注

傅巖在北海之洲

書說命正義 史記殷本紀集解 墨子尚賢下 云傅說居北海之

洲園土之上衣褐帶索庸築乎傅巖之城武丁得而舉之立爲三公

赤縣州者實爲崑崙之墟其東則滄水島山左右蓬

萊

文有脫誤

玉紅之草生焉食其一實而醉臥三百歲而

後寤

御覽卅八四百九十七 論衡難歲篇云鄒行 論之以爲九州之內五千里竟合爲一州在東

南位名曰赤縣州此所稱赤縣州與鄒衍說不同 名曰赤縣神州此所稱赤縣州與鄒衍說不同

泰山之中有神房阿閣帝王錄

初學記五十一百八十四御覽卅

五八十

燧人上觀辰星下察五木以爲火

類聚八十

御覽

前紀五注引云遂人察辰心而出火又發揮一論遂人改火云昔者燧人氏作觀乾象察辰心而出火作鑽燧別五木以改火風俗通皇霸篇引含文嘉云燧人始鑽木取火炮生爲熟令人無腹疾有異於禽獸遂天之意故曰燧人也論語陽貨篇鑽燧改火馬融注曰周書月令有更火春取榆柳之火夏取棗杏之火季夏取桑柘之火秋取柞櫨之火冬取槐檀之火一年之中鑽火各異木故曰改火也

燧人之世天下多水故教民以漁

廣韻九魚

初學

百卅三書鈔十

路史前紀五

虞犧氏之世天下多獸故教民以獵

廣韻廿九葉御覽八百卅二



書鈔十

路史後紀一

漢書律歷志下云帝太

昊作網罟以田漁取犧牲故天下號曰炮犧氏尚書

序孔穎達疏云古者以聖德伏物教人取犧牲故曰

伏犧字或作宓犧漢書古今人表作宓羲顏師古注

云宓本

亦作虛

伏羲始畫八卦列八節而化天下

書鈔一百五十三  
易繫辭下傳云

古者包犧氏之王天下也仰則觀象於天俯則觀法  
於地觀鳥獸之文與地之宜近取諸身遠取諸物於  
是始作八卦以通神明之德以類萬物之情御覽七  
十八引春秋內事云伏羲氏始畫八卦定天地之位  
分陰陽之數推列三光建分八節以文應瑞凡二十  
四消息禍福以制吉凶風俗通皇霸篇引含文嘉云  
伏者別也變也戲者獻也法也伏羲始別八卦  
以變化天下天下法則咸伏貢獻故曰伏羲也

神農氏治天下欲雨則雨五日爲行雨旬爲穀雨旬

五日爲時雨正四時之制萬物咸利故謂之神一作

之神雨一作故曰神雨並誤類聚二御覽十八

百七十二路史後紀三注餘論一事類賦雨賦

注書鈔十七引立四時之制一百五十三制

作序天中記四又作節並卽此正四時之制

神農氏夫負妻戴以治天下堯曰朕之比神農猶旦

與昏也御覽七十八路史後紀三治作有末句作

猶昏之仰旦也猶民之於龜且也升庵外集卅七釋史四作

神農氏七十世有天下豈每世賢哉牧民易也御覽七十

入路史後紀四云尸子之言記爲孔子呂氏春秋慎勢篇云神農十七世有天下與天下同之也此

云七十世未知孰是子貢問孔子曰古者黃帝四面信乎孔子曰黃帝取

合已者四人使治四方不謀而親一作不計不約而

成大有成功此之謂四面也

御覽七十九三百六十五天中記十一呂

氏春秋本味篇云賢主之求有道之士無不以也。有道之士求賢主無不行也。相得然後樂不謀而親不約而信相爲殫智竭力犯危行苦志。懽樂之此功名所以大成也。故黃帝立四面堯舜得伯陽續耳。然後成高誘注黃帝使人四面出求賢人得之立以爲佐。故曰立四面也。臣軌同體章云軒轅氏有四臣以察四方故尸子云黃帝四目。目字疑誤。魏志黃初六年注魏略載詔曰昔軒轅建四面之號。

黃帝斬蚩尤於中冀

事物紀原十逸周書嘗麥解云赤帝分正二卿命蚩尤于字

少昊蚩尤乃逐帝爭於涿鹿之河九隅無遺赤帝大懼乃說於黃帝執蚩尤殺之於中冀以甲兵釋怒。

四夸之民有貫匈者有深目者有長肱者黃帝之德

嘗致之

山海經六注路史後紀五注肱作股嘗作皆案肱當作股竹書紀年云黃帝五十九

年貫匈氏來賓長股氏來賓山海經海外西經長股之國在雄常北被髮一日長腳貫匈國見海外南經

深目國見  
海外北經

堯有建善之旌

初學記廿  
任本建作進

堯立誹謗之木

史記孝文本紀索隱  
後紀十一注  
案呂氏春秋自知篇云堯有欲諫

之鼓舜有誹謗之木湯有司過之士武王有戒慎之  
鞞淮南子主術訓作堯置敢諫之鼓舜立誹謗之木  
湯有司直之人武王立戒慎之鞞鄧析子轉辭篇同  
史記孝文本紀云古之治天下朝有進善之旌誹謗  
之木集解應劭曰旌旆也堯設之五達之道令民進  
善也服虔曰誹謗之木堯作之橋梁交互柱頭服應  
以旌木並屬  
堯蓋本尸子

堯南撫交趾北懷幽都東西至日月之所出入有餘

日而不足於治者恕也

荀子王霸篇注  
墨子節用  
中云堯治天下南撫交趾北

降幽都東西至日所出入莫不賓服賈誼新書修政  
語上堯教化及雕題蜀越撫交趾身涉流沙地封獨

山西見王母訓及大夏渠叟北中幽都及徇國與人  
身而鳥面及焦饒好賢而隱不遠遷於行而當於志  
率以仁而恕  
至此而已矣

人之言君天下者瑤臺九累而堯白屋黼衣九種而  
堯大布宮中三市而堯鶉居珍羞百種而堯糲飯菜

粥騏驎青龍而堯素車玄駒

初學記九衣作黻又廿  
四 御覽八十 文選

辨命論注 路史後紀十一 注首句作人君之有天  
下玄駒作樸馬案素車樸馬見哀二年左傳 淮南  
子精神訓云人之所以樂爲人主者以其窮耳目之  
欲而適躬體之便也今高臺層樹八之所麗也而堯  
樸楫不斲素題不枿珍怪奇異人之所美也而堯糲  
菜之飯藜藿之羹文繡狐白人之所好也而堯布衣  
揜形鹿裘御寒養性之具不加厚而增之以任重之  
憂故舉天下而傳之於舜若解重負然非直辭讓誠  
無以爲也

舜兼愛百姓務利天下其田歷山也荷彼耒耜耕彼

南畝與四海俱有其利其漁雷澤也旱則爲耕者鑿

瀆儉則爲獵者表虎故有光若日月天下歸之若父

母

御覽八十一儉與險通後紀十二注作險困學紀聞十作狩文心雕龍祝盟篇云舜之祠田云荷

此耒耜耕彼南畝四海俱有利民之志頗形於言矣管子版法解云舜耕歷山陶河瀆漁雷澤不取其利

以教百姓百姓舉利之此所謂能以所不利利人者也

舜事親養老爲天下法其遊也得六人曰雒陶方回

續耳伯陽東不識秦不空皆一國之賢者也

御覽八十一

書鈔四十九作舜得友五人曰雒陶續耳柏楊東不識秦不空一國之賢人也按陶潛集聖賢羣輔錄云戰國策顏歊云堯有九佐舜有七友而尸子止載雄陶等六人不載靈甫是尸子本有六人前漢書古今

人表上中有方回上下有維陶續身柏陽東不訾秦  
不虛顏師古曰維陶以下皆舜之友也身或作耳虛  
或作字並見尸子惟靈甫不見於表蓋班氏亦本尸  
子任本作得七人有靈甫誤後紀十二注老作兄  
而申之云是則更有兄也梁氏玉繩云兄  
字蓋譌然越絕書言舜兄狂弟傲何也

舜一徙成邑再徙成都三徙成國其致四方之士堯  
聞其賢徵之草茅之中與之語禮樂而不逆與之語

政至簡而易行與之語道廣大而不窮於是妻之以

媵之以娥九子事之而託天下焉

類聚十一御覽八十一又一

百卅五引堯妻舜以娥皇媵之以女英一百五十六徵作舉其致四方之士天中記十一作四方之士

歸之後紀十二有虞氏紀云語禮樂詳而不幸語政治簡而易行論道廣大而七窮全本尸子此脫詳

字至作治疑後紀誤注又引尸子云妻以娥媵以皇娥皇衆女之英呂氏春秋貴因篇云舜一徙成邑

再徙成都三徙成國而堯授之禪位因人之心也管子治國篇云舜一徙成邑二徙成都參徙成國舜非嚴刑罰重禁令而民歸之矣去者必害從者必利也莊子徐無鬼篇云舜有孳行百姓悅之故三徙成都至鄧之虛而十有萬家堯聞舜之賢舉之童上之地

舜受天下顏色不變堯以天下與舜顏色不變知天

下無能損益於已也御覽八十後紀十二注作堯以天下與舜顏色不變舜受天

下於堯亦顏色不變知天下無損益於已也

務成昭之教舜曰避天下之逆從天下之順天下不

足取也避天下之順從天下之逆天下不足失也荀子

大畧篇注後紀十二取作治

舜云從道必吉反道必凶如影如響御覽八十一



舜舉三后而四死除何爲四死飢渴寒暄勤勞鬪爭

御覽八十一下四死二字據孫本補書鈔十一舉

后稷民除四死注謂飢寒勤苦蓋本此任本作舜

舉三后而四凶除也合舜兩眸子條爲一節誤

書呂刑云乃命三后恤功於民伯夷降典折民惟刑

禹平水土主名山川稷降播種農殖嘉穀三后成功

惟殷於民淮南子人閒訓云古者溝防不修水爲民

害禹鑿龍門辟伊闕平治水土使民得陸處百姓不

親五品不慎契教以君臣之義父子之親夫婦之辨

長幼之序田野不修民食不足后稷乃教之辟地墾

草糞土種穀令百姓家給人足故三后之後無不王

者按淮南以禹稷契爲三后

與呂刑異此三后未知何指

古者龍門未闢呂梁未鑿河出於孟門之上大溢逆

流無有邱陵高阜滅之名曰洪水禹於是疏河決江

十年不窺其家手不爪脛不生毛生偏枯之病步不

相過人曰禹步

山海經三注

荀子

非相篇注

御

出句据御覽四十補上作龍門未鑿呂梁未開後紀

十三注開作闕下云河出孟門爲二穆天子傳四注

孟作盟滅之上釋史十一有盡皆二字禹於是天中

記作禹治水非相注作禹之勞十年云云任本人作

故河出呂氏春秋愛類篇云昔上古龍門未開呂梁未

發減之名曰鴻水禹於是疏河決江爲彭蠡之障乾

東土所活者千八百國又行論篇云禹官爲司空以

通水潦顏色黎黑步不相過莊子天下篇云禹親自

操橐耜而九雜天下之川腴無馘脛無毛列子楊朱

篇云禹纂業事讎惟荒土功子產不字過門不入身

體偏枯手足胼胝法言重黎篇云昔者妣氏治水土

而巫步多禹又按孟子滕文公篇云禹八年於外十

過其門而不入史記河渠書引夏書曰禹抑鴻水十

三年過家不入門夏本紀及漢書溝洫志同吳越春

秋越王無余外傳又云禹勞身焦思以行七年聞樂

不聽過門不與此異

山行乘橐泥行乘菴

尚書益稷正義

史記河渠書山

行即橋集解徐廣曰橋近遙反一作橐尸子曰山行

乘標又曰行塗以楯行險以撮反又子絕反與菴音

同是行險以撮即泥行乘菴不得一書而兩見其句

法亦上下不類又曰云當別引他書而傳寫訛脫

也路史餘論九引行塗以楯行險以撮行山乘橐行

沙乘軌後紀十三注撮又作橐並仍集解誤本集解

乘風車以去喬之音推之當是乘蹻車到此山案四

邱蓬萊山也昔禹治洪水畢乘蹻車到山記曰蓬

載之名最為參錯史記夏本紀云陸行乘車水行乘

船泥行乘橐山行乘橐引夏書曰陸行載車水行載舟泥

橐一作橋河渠書引夏書曰陸行載車水行載舟泥

行蹈橐山行即橋集解徐廣曰橐一作橐索隱云橐

亦作橐漢書溝洫志引夏書陸行載車水行乘舟泥

行乘橐山行則楫說文木部橐字下引虞書曰予乘

四載木行乘舟陸行乘車山行乘橐澤行乘舟尚書

僞孔傳云水乘舟陸行乘車泥乘橐山行乘舟尚書

史者也其見於諸子者文子自然篇云水用舟沙用

尸卷下

一湖海樓摩本

舳泥用轅山用標淮南子修務訓襲之則云水之用  
舟沙之用鳩泥之用轅山之用菓其齊俗訓又云舟  
車楯舳高誘注水空舟陸地空車沙地空舳泥地空  
楯呂氏春秋慎勢篇又云水用舟陸用車塗用轅沙  
用鳩山用標歷攷諸書惟舟車無異字其山泥所用  
則標標菓橋樞楫爲一類橋毳蕤輶轅楯爲一類舳  
鳩於他書無徵淮南兩見各用其一呂氏以鳩與舟  
車楯標爲五浮於四載之數豈後人有所增竄耶

禹治水爲喪法曰毀必杖哀必三年是則水不救也

故使死於陵者葬於陵死於澤者葬於澤桐棺三寸

制喪三日

宋書禮志二 後漢書王符傳注 淮南子要畧云墨子學儒者之業受孔子之術

以爲其禮煩擾而不說厚葬靡財而貧民服傷生而害事故背周道而用夏政禹之時天下大水禹身執纁垂以爲民先剔河而道九歧鑿江而通九路辟五湖而定東海當此之時燒不暇攢濡不給挖死陵者葬陵死澤者葬澤故節財薄葬閑服生焉又齊俗訓云三年之喪是強人所不及也而以僞輔情也三月

之服是絕哀而迫切之性也夫儒墨不原人情之終始而務以行相反之制高誘注三月之服夏后氏之禮韓非子顯學篇云墨者之葬也冬日冬服夏日夏服桐棺三寸服喪三月世以爲儉而禮之墨子公孟篇公孟子謂子墨子曰子以三年之喪爲非子之三日之喪亦非也按三日皆三月之譌御覽五百五十五制喪三日下有舜西教乎七戎道死葬於南巴之中衣衾三領款木之棺葛以緘之一段洪氏頤煊云王符傳注引舜西教於西戎以下

禹興利除害爲萬民種也

文選求自試表注淮南子修務訓云禹耳參漏是

爲大通興利除害疏河決江

禹長頸烏喙面貌

一作面目顏色

亦惡矣天下從而賢之者

一作天下

好學也

初學記九又十九三百六十九三百八十二

御覽八十二

獨賢之

鳥並作鳥

今據緯畧七劉子

新論命相篇亦云夏禹長頸烏喙

湯問伊尹曰壽可爲耶伊尹曰王欲之則可爲弗欲

則不可爲也類聚十八

湯之德及鳥獸矣

文選賢良詔注四子講德論注呂氏春秋異用篇云湯見祝網者

置四面其祝曰從天墜者從地出者從四方來者皆離吾網湯曰嘻盡之矣非桀其孰爲此也湯收其三面置其一面更教祝曰昔蛛蝥作網罟今之人學紆欲左者左欲右者右欲高者高欲下者下吾取其犯

命者漢南之國闢之曰湯之德及禽獸矣

湯之救旱也

一作殷湯救旱

乘素車白馬著布衣

一作布衣無著字按

花與

身嬰白茅以身爲牲禱於桑林之野當此時也

絃歌鼓舞者禁之

類聚八十二卅五八十三

初學記九御覽

十六書鈔九禁作止呂氏春秋順民篇云湯克夏而正天下天大旱五年不收湯乃以身禱於桑林

曰余一人有罪無及萬夫萬夫有罪在余一人無以一人之不敏使上帝鬼神傷民之命於是翦其髮斷其手以身爲犧牲用祈福於上帝民乃甚悅雨乃大至亦見墨子兼愛下

武王伐紂魚辛諫曰歲在北方不北征武王不從荀

儒效篇注任本下北字作利從作聽荀子云武王之誅紂也行之日以兵忌東面而迎太歲

武王親射惡來之口親斫殷紂之頸手汙於血不溫

而食當此之時猶猛獸者也荀子仲尼篇注謝氏壙曰溫字誤或是盥按盥

或作漚見一切經音義一路史國名紀四注口作目頸作頭任本口亦作目斫作斬頸作首者作然

武王已戰之後三革不累五刃不砥牛馬放之歷山

終身弗乘也御覽三百廿七書鈔十五三革二句互轉類聚十四載沈約齊武帝諡議

用此二語荀子儒效篇云武王誅紂反而定三革偃五兵五兵猶五刃管子小匡篇云定三革偃五兵

齊語作定三革隱五刃韋昭注三革甲盾胄也五刃  
刀劔矛戟矢也禮記樂記云馬散之華山之陽而弗  
復乘牛散之桃林之野而弗復服呂氏春秋慎大覽  
云稅馬於華山稅牛於桃林馬弗復乘牛弗復服釁  
鼓旗甲兵藏之府庫終身不復用淮南子要畧說苑  
指武篇並云縱馬華山放牛桃林商子賞刑篇又云  
車休息不乘縱馬華山之陽縱牛於農澤

昔者武王崩成王少周公旦踐東宮履乘石祀明堂

假爲天子七年原注乘石王所登上車之石也類聚六文選百辟勸進今上箋注七

作十誤詩靈臺正義引袁準正論云尸子曰昔武

王崩成王少周公踐東宮祀明堂假爲天子明堂在

左故謂之東宮王者而後有明堂故曰祀明堂假爲

天子明堂在左以下乃袁氏申釋語任氏誤以明堂

在左二句爲尸子本文淮南子齊俗訓云武王既

沒殷民叛之周公踐東宮履乘石攝天子之位負屨

而朝諸侯放蔡叔誅管叔克殷殘商祀文王於明堂

七年而致政成王韓非子難二云周公旦假爲天子



七年成王壯授之以政非  
爲天下計也爲其職也

昔周公反政孔子非之曰周公其不聖乎以天下讓

不爲兆人也

長短經懼誠篇 魏志二注許芝奏云  
周公反政尸子以爲孔子非之以爲周

公不聖不爲兆民也又輔國將軍等奏云臣聞符命  
不虛見衆心弗可違故孔子曰周公其爲不聖乎以  
天下讓是天地日月輕去萬物  
也是以舜嚮天下不拜而受命

人之欲見毛嬙西施美其面也夫黃帝堯舜湯武美

者非其面也人之所原欲觀焉其行也所欲聞焉其

言也而言之與行皆在詩書矣御覽七  
十七

黃帝曰合宮有虞氏曰總章殷人曰陽館周人曰明

堂此皆所以名休其善也初學記十三 類聚卅八  
御覽五百卅三 隋書

字文愷傳

唐會要十一

事物紀原二

後紀十

二注禮記

月令行慶施惠鄭康成注云慶謂休其

善也休其

善蓋本此

欲觀黃帝之行於合宮觀堯舜之行於總章

文選東京賦注

故字合上節誤

有虞氏身有南畝妻有桑田神農並耕而王所以勸

耕也

類聚六十五

御覽八百廿二

書鈔八王作

耕而王天下師其知也後紀十二引上二句注云

尹文子誤文子上義篇云神農之法曰丈夫丁壯

不耕天下有受其飢者婦人當年不織天下有受其

寒者故身親耕妻親織以爲天下先商子畫策篇云

神農之世公耕而食婦織而衣孟子滕文公篇許行

爲神農之言其云賢者與民並耕而食卽神農事也

堯瘦舜墨禹脛不生毛文王至日昃不暇飲食故富

有天下貴爲天子矣

御覽七十七原脫瘦字据後紀十二注補意林堯瘦舜黑皆

爲民也當卽此文 文子自然篇云神農形瘁堯瘦癯舜黧黑禹胼胝淮南子修務訓云蓋聞傳書曰神農憔悴堯瘦臞舜黧黑禹胼胝由此觀之則聖人之憂勞百姓甚矣尚書無逸云文王卑服卽康功田功徽柔懿恭自朝至於日中 旻不皇暇食用咸和萬民

昔者舜兩眸子是謂重明作事成法出言成章

荀子非相

篇注 御覽八十一又三百六十六眸作瞳 史記項羽本紀集解明作瞳誤 後紀十二注

文王四乳是謂至仁

御覽四百十九 案淮南子修務訓云堯眉八彩九竅通洞而

公正無私一言而萬民齊舜二瞳子是謂重明作事成法出言成章禹耳參漏是謂大通與利除害疏河決江文王四乳是謂大仁天下所歸百姓所親臯陶馬喙是謂至信決獄明白察於人情亦見白虎通聖人篇所載較備

夫堯舜所起至治也湯武所起至亂也問其成功孰

治則堯舜治問其孰難則湯武難

御覽七十七

人戴冠躡履譽堯非桀敬士侮慢故敬侮之譽毀知

非其取也

御覽八十

莊子大宗師篇云與其譽堯而

云與其譽堯而非桀不如兩忘而化其道又外物篇

昔夏桀之時至德滅而不揚帝道掩而不興容臺振

而掩覆犬羣而入泉彘銜藪而席隩美人婢首墨面

而不容曼聲吞炭內閉而不歌飛鳥鍛翼走獸決蹄

山無峻幹澤無佳水

御覽八十二

路史發揮六

按此文亦見淮南子覽冥訓容

臺句上有植社槁而堦裂一句犬羣下有嗥字泉作

淵堯作豕藪作蓐隩作澳婢作挈決蹄作廢脚佳作

注御覽此條有注皆本  
高誘淮南注今不錄

桀爲璇室瑤臺象廊玉牀權天下虐百姓於是湯以  
革車三百乘伐於南巢收之夏宮天下寧定百姓和

輯御覽八十二後紀十四注淮南子本經訓云  
晚世之時帝有桀紂爲璇室瑤臺象廊玉牀紂爲

肉圃酒池燎焚天下之財罷苦萬民之力剗諫者剔  
孕婦攘天下虐百姓於是湯乃以革車三百乘伐桀

於南巢放之夏臺武王甲卒三千破紂牧野殺之於  
宣室天下寧定百姓和集是以稱湯武之賢御覽此

條亦用  
高誘注

昔者桀紂縱欲長樂以苦百姓珍怪遠味必南海之  
葦北海之鹽西海之菁東海之鯨此其禍天下亦厚

矣御覽八十二八百六十五後紀  
十四注天中記四十六葦並作薑

六馬登糟邱方舟泛酒池

御覽七百六十八外傳四架爲酒池

可以遲韓詩

舟糟邱足以望十里而牛飲者三千人論衡語增篇云紂沈酒於酒以糟爲邱以酒爲池牛飲者三千人

伯夷叔齊飢死首陽無地故也桀放於歷山紂殺於

郕宮無道故也有道無地則餓有地無道則亡

御覽八十

二任本宮作京有道上有故曰則餓作則飢

魯哀公問孔子曰魯有大忘徙而忘其妻有諸孔子

曰此忘之小者也昔商紂有臣曰王子須務爲諂使

其君樂須臾之樂而忘終身之憂

御覽四百九十注云家語同棄

黎老之言而用姑息之謀

釋史廿升菴外集卅引紂棄黎老之言而用姑息

之語注姑婦女也息小兒也呂氏春秋先識覽云商王大亂沈於酒德辟遠箕子爰近姑與息

孔子謂子夏曰商汝知君之爲君乎子夏曰魚失水

則死水失魚猶爲水也孔子曰商汝知之矣類聚十一御

覽七十七

六百廿

費子陽謂子思曰吾念周室將滅涕泣不可禁也子

思曰然今以一人之身憂世之不治而涕泣不禁是

憂河水濁而以泣清之也類聚卅五御覽三百八十七任本清作澄按

此文亦見孔叢子抗志篇又文子符言老子曰以數

算之壽憂天下之亂猶憂河水之涸泣而益之也淮南子詮言訓襲其文算作雜涸作少

人知用賢之利也不能得賢其何故也夫買馬不論

足力而以白黑爲儀必無走馬矣買玉不論美惡而

原以大小爲儀必無良寶矣舉士不論才而以貴勢

爲儀則伊尹管仲不爲臣矣類聚五十三 意林下四句作舉士不論貴賤

則無士矣 任本買馬之買作市

有醫均者秦之良醫也爲宣王割痤爲惠王治痔皆愈張子之背腫命均治之謂均曰背非吾背也任子制焉治之遂愈均誠善治疾也張子委制焉夫身與

國亦猶此也必有所委制然後治矣原注均音叩 御覽三百七十

一七百廿四七百四十三 天中記卅四命作請

我得民而治則馬有紫燕蘭池文選赭白馬賦注馬有秀騏

逢驪同上 天中記五十五合作馬有紫燕蘭池秀騏逢驪馬有騏驎徑駿命



注 按文云麟超龍翥則騏驎  
字亦當從鹿 任本徑作輕

夫馬者良工御之則和馴端正致遠道矣僕人御之  
則馳奔毀車矣民者譬之馬也堯舜御之則天下端

正桀紂御之則天下奔於歷山

御覽七百四十六  
馳舊作遲据任本改

孫作逸誤奔於歷山孫作奔放良工孫作王良按本  
書分篇亦云良工之馬易御也鹽鐵論刑德篇云轡  
銜者御之具也得良工而調法勢者治之  
具也得賢人而化執轡非其人則馬奔馳

車輕道近則鞭策不用鞭策之所用遠道重任也刑

罰也者民之鞭策也

御覽六百卅六七百七十三  
後漢書虞詡傳

注 意林遠道重任作道遠任重 韓非子難勢云  
勢之於治亂本末有位也而語專言勢之足以治天  
下者則其智之所至者淺矣夫良馬固車使滅獲御  
之則爲人笑王良御之而日取千里車馬非異也或

至乎千里或爲人笑則巧拙相去遠矣今以國位爲車以勢爲馬以號令爲轡以刑罰爲鞭策使堯舜御之則天下治桀紂御之則天下亂則賢不肖相去遠矣夫欲追速致遠不知任王良欲進利除害不知任賢能此則不知類之患也

夫堯舜亦治民之王良也

爲刑者刑以輔教服不聽也

陳本書鈔四十三止刑以輔教四字此據原本

書鈔刑法部

秦穆公明於聽獄斷刑之日揖士大夫曰寡人不敏教不至使民入於刑寡人與有戾焉二三子各據爾

官無使民困於刑繆公非樂刑民不得已也此其所

以善刑也

御覽六百卅六 教不至三字據書鈔四十四補 原本書鈔斷刑之日下有朝不

得言乃五字

夫知衆類知我則知人矣天雨雪楚莊王披裘當戶

曰我猶寒彼百姓賓客甚矣乃遣使巡國中一作內求

百姓賓客之無居宿絕一作餓糧者賑之國人大悅類聚

五御覽卅四書鈔一百五十六首十字据原本

而立愀然有寒色曰寡人朝飢時酒二醢重裘而立

猶愴然有寒氣將柰我元元之百姓何是日也出府

倉之粟以賑飢者爾雅釋詁注案尼近也韓非子難三

悅尼而來遠葉公子高問政於仲尼仲尼曰政在悅

先王豈無大鳥怪獸之物哉然而不私也交選西京賦注

徐偃王好怪沒深水而得怪魚入深山而得怪獸者

多列於庭

山海經一注

徐偃王有筋而無骨

山海經十七注 史記秦本紀集解 後漢書東夷傳注 荀

子非相篇注

文選西征賦注

御覽三百七十五

任本無骨下有故曰偃也四字按集解云駟謂號偃由此故曰偃也四字當是後人因駟語足成之後漢注亦有故曰偃三字

莒君好鬼巫而國亡

水經注廿六 下云無知之難小白奔焉樂毅攻齊守險全國

云云乃鄆氏歷舉莒事孫本屬於尸子誤

天子忘民則滅諸侯忘民則亡

書鈔九

娶同姓以妾爲妻變太子專罪大夫擅立國絕鄰好

則幽改衣服易禮刑則放

書鈔四十三 娶同姓至則幽陳本書鈔缺以唐類

函七十八所載書鈔補國誤闕据任本改 荀子王霸篇公侯失禮則幽楊倞注云幽囚也春秋傳曰晉



造冶者蚩尤也

御覽八百卅三 廣韻 卅五馬作蚩尤造九冶

造車者奚仲也

文選演連珠注 案說文云車夏后時奚仲所造山海經海內經云奚仲

生吉光吉光是始以木爲車郭注世本云奚仲作車此言吉光明其父子共創作意是以互稱之

昆吾作陶

御覽八百卅三 廣韻六豪作夏桀臣昆吾作陶按一切經音義十八三蒼陶作瓦家也舜始爲

陶世本云夏臣昆吾更增加也 呂氏春秋君守篇云奚仲作車蒼頡作書后稷作稼 臯陶作刑昆吾作陶夏竝作城此六人者所作當矣然而非主道者故曰作者憂因者平惟彼君道得命之情

臯陶擇羝裘以御之

書鈔一百廿九 廣博物志卅八

蒲衣生八年舜讓以天下周王太子晉生八年而服

師曠

御覽三百八十五 莊子應帝王釋文引作蒲衣八歲舜讓以天下崔云卽破衣王倪之師也

後紀十二注年亦作歲  
讓作遜避濮安懿王諱也

虎豹之駒未成文而有食牛之氣鴻鵠之鷺羽翼未

全一作而有四海之心賢者之生亦然意林類聚

四百二八百九十一九百十六史記陳涉世家索

隱事類賦虎賦注未成文上有雖字海錄碎事七

同任本亦同駒作生抱朴子清鑒篇云  
駁子有吞牛之容鷄穀有凌鷲之貌本此

仲尼曰面貌不足觀也先祖天下不見稱也然而名

顯天下聞於四方其惟學者乎陳本書鈔八十三脫

原日本書鈔禮儀部補韓詩外傳六孔子曰可與言

終日而不倦者其惟學乎其身體不足觀也勇力不  
足憚也族姓不足稱也宗祖不足道也而可以聞於  
四方而昭於諸侯者其惟學乎說苑建本篇宗祖作  
先祖書鈔引尸子觀作  
見祖作視据二書改正

家有千金之玉而不知猶之貧也良工治之則富矣

一國身有至貴而不知猶之賤也聖人告之則貴最

天下

御覽四百七十二一本兩猶字下並有謂字韓詩外傳二玉不琢不成器人不學不成行家

有千金之玉不知治猶之貧也良工宰之則富及子孫君子學之則爲國用故動則安百姓議則延民命

孔子曰誦詩讀書與古人居讀書誦詩與古人謀林

御覽六百十六

任本謀作稽誤

按金樓子自敍引此爲曾生語謀作期

仲尼志意不立子路侍儀服不修公西華侍禮不習

子貢侍辭不辨宰我侍亡忽古今顏回侍節小物冉

伯牛侍曰吾以夫六子自厲也

集聖賢羣輔錄上廣博物志廿晏子

內篇問上云仲尼居處惰倦廉隅不正則季次原憲侍氣鬱而疾志意不通則仲由卜商侍德不盛行不



厚則顏回騫  
雍侍與此異

閔子騫肥子貢曰何肥也子騫曰吾出見其美車馬

則欲之入聞先王之言則又思欲之兩心相與戰今

先王之言勝故肥

御覽三百七十八  
天中記廿一無思字

任本無其字  
韓詩外傳

二與此略同韓非子喻老篇則云子夏見曾子曾子曰何肥也對曰戰勝故肥也曾子曰何謂也子夏曰吾入見先王之義則榮之出見富貴之樂又榮之兩者戰於胷中未知勝負故臞今先王之義勝故肥淮南子精神訓同原道訓亦云

子夏曰君子漸於飢寒而志不僻傍於五兵而辭不

懾臨大事不忘昔席之言

荀子大略篇注謝氏壻云  
廣韻傍痛呼也安賀切宋

本作鈔字書無攷今從元刻  
升庵外集十七於並  
作以荀子云君子隘窮而不失勞倦而不苟臨患

難而不忘細席之言楊倞注細當  
讀爲昔昔席蓋昔所踐履之言

仁則人親之義則人尊之智則人用之也

御覽四百十九諸

子策函義則人尊之  
下有勇則人畏之句

樹蔥韭者擇之則蕃仁義亦不可不擇也惟善無基

義乃繁滋敬災與凶禍乃不重

林意

草木無大小必待春而後生人待義而後成

林意

十萬之軍無將軍必大亂夫義萬事之將也國之所

以立者義也人之所以生者亦義也

御覽二百卅七  
四百廿一書

鈔六十四 史記司馬穰苴傳索  
隱引云十萬之師無將軍則亂

衆以虧形爲辱君子以虧義爲辱

文選江文通上建  
平王書注 說苑

說叢云君子雖窮不慮亡國之勢雖貧不受亂君之祿尊乎亂世同乎暴君君子之恥也衆人以毀形爲恥君子以毀義爲辱衆人重利廉士重名

賢者之於義曰貴乎義乎曰義是故堯以天下與舜

曰富乎義乎曰義是故子罕以不受玉爲寶曰生乎

義乎曰義是原脫故務光投水而殪三者人之所重而

不足以易義御覽四百廿一天中記六任本首

精神訓云晏子可迫以仁而不可劫以兵殖華可止

以義而不可縣以利君子義死而不可以富貴畱也

義爲而不可以死亡恐也彼則直爲義耳而尚猶不

拘於物又況無爲者矣堯不以有天下爲貴故授舜

公子札不以有國爲尊故讓位子罕不以玉爲富故

不受寶務光不以生害義故自投於淵由此觀之至

貴不待爵至富不待財天下至大矣而以與他人

身至親矣而棄之淵外此其餘無足利矣

義必利雖桀殺關龍逢紂殺王子比干猶謂義之必

利也

文選非有先生  
論注運命論注

箕子胥餘漆體而爲厲披髮佯狂以此免也

文選非  
有先生

論注

莊子大宗師釋文云司馬云胥餘箕子名也  
見尸子崔同又云尸子曰箕子胥餘漆身爲厲披髮

佯狂或云尸子曰  
比干也胥餘其名

莒國有名焦原者廣數尋長五十步臨百仞之谿莒

國莫敢近也有以勇見莒子者獨卻行齊

一作

踵焉

莒國莫之敢近已獨齊踵焉所以服莒國也

思玄注  
作所以

稱於世卽下此  
所以服一世也

夫義之爲焦原也亦高矣是故賢者

之於義也必且齊踵焉此所以服一世也

御覽四百  
廿一文

選魏都賦注思玄賦注又長笛賦隨萬仞之谿注百仞作萬仞後漢書張衡傳注初學記八有以勇句作有道士見於莒子蓋誤

中黃伯曰余左執太行之獲而右搏雕虎惟象之未

與吾心試焉一作惟象之未試吾或焉有力者則又願爲牛一作惟象

未與吾試願爲牛欲與象鬪以自試今二三子以爲義矣一作

自謂天下之義人也將惡乎試之夫貧窮太行之獲也疏賤者

義之雕虎也而吾日遇之亦足以試矣後漢書張衡傳注袁紹檄豫州

注文選西京賦蜀都賦思玄賦七命袁紹檄豫州注山海經六注御覽三百八十六八百九十一

云中和姓纂一淮南子穆稱訓元中行穆伯手搏虎疑卽中黃伯

人謂孟賁曰生乎勇乎曰勇貴乎勇乎曰勇富乎勇

乎曰勇三者人之所難而皆不足以易勇此其所以

能攝三軍服猛獸故也

御覽四百卅七 漢書東方朔傳注 天中記廿七無故

字按呂氏春秋知士篇云此劑貌辨之所以外生乘趨患難故也句法與此同當從御覽有故字是

孟賁水行不避蛟龍陸行不避虎兕

史記袁盎傳索隱 御覽四百

卅七引新序曰勇士一呼三軍皆辟易士之誠也夫勇士孟賁水行不避蛟龍陸行不避虎狼發怒吐氣聲響動天至其死矣頭身斷絕夫不用仁而用武當時雖快身必無後是以孔子勤勤行仁莊子秋水篇云夫水行不避蛟龍者漁父之勇也陸行不避兕虎者獵夫之勇也

飛廉惡來力角犀兕勇搏熊犀也

御覽三百八十六 史記秦本紀云

蜚廉生惡來惡來有力晏子春秋諫上云費仲惡來足走千里手裂兕虎

田成子問勇顏歟聚之咎也不敬田子之僕填劔曰

更言則生不更則死歟聚曰以死爲有智今吾生是

也

文有脫誤

是吾所以懼汝而反以懼我

御覽四百卅七田成子顏歟

聚卽左傳哀廿七年陳成子顏涿聚也填劍未詳孫本改填爲撫

聖人畜仁而不主仁畜知而不主知畜勇而不主勇

昔齊桓公脅於魯君而獻地百里句踐脅於會稽而

身官之三年

官一本作事按作官是也越語云與范蠡入官於吳三年而吳人遣之韓非子

飾邪篇云越王句踐與吳戰而不勝身臣入官於吳越絕書請羅內傳云越王去會稽入官於吳三年吳王歸之又外傳記地傳云女陽亭者句踐入官於吳夫人從道產女此亭吳越春秋句踐入臣傳云客官於吳賜冠子世兵篇云趙襄子脅於智伯而以顏爲

愧

一作塊並誤

其卒桓公臣魯君句踐滅吳襄子以智伯

爲戮此謂勇而能怯者也

御覽四百卅七四百九十九諸子黨函畜仁句下

有畜義而不主義一句畜知句在畜勇句下

湯復於湯邱文王幽於羑里武王羈於玉門越王役於會稽秦穆公敗於殽塞齊桓公遇賊晉文公出走故三王資於辱而五伯得於困也

御覽四百八十六任本復作休

孫本役作棲

鮑叔爲桓公祝曰使臣無忘在莒時管子無忘在魯

時甯戚無忘車下時

御覽七百卅六又七百七十三鮑叔作甯戚臣作公事類賦注

同無下甯字

任本鮑叔作甯戚使臣作顯君管

子小稱篇云桓公管仲鮑叔牙甯戚四人飲飲酣桓

公謂鮑叔牙曰闔不起爲寡人壽乎鮑叔牙奉杯而起曰使公毋忘出如莒時也使管子毋忘束縛在魯



也使甯戚毋忘飯牛車下桓公避席再拜曰寡人與  
二大夫能毋忘夫子之言則國之社稷必不危矣又  
見呂氏春秋直  
諫篇新序四

爲令尹而不喜退耕而不憂此孫叔敖之德也

文選謝靈運

運登池上樓詩注按各本皆引作尹子宋本作尸子

孔子至於勝毋暮矣而不宿過於盜泉渴矣而不飲

惡其名也

文選陸士衡猛虎行注水經注廿五史記鄒陽傳縣名勝毋而會子不入集解

駟案漢書云里名勝毋也正義鹽鐵論皆云里名尸子及此傳云縣名未詳也索隱云淮南子及鹽鐵論

云里名勝毋會子不入蓋以名不順也尸子以爲孔子至勝毋縣暮而不宿其說不同後漢書鍾離意傳

臣聞孔子忍渴於盜泉之水會參回車於勝毋之閭惡其名也注云說苑曰邑名勝毋會子不入水名盜

泉仲尼不飲醜其名也尸子又載其言案說苑在說叢篇淮南子在說山訓云會子立孝不遇勝毋之閭

墨子非樂不入朝歌之邑曾子立廉不飲盜泉所謂  
養志者也後漢書列女傳樂羊子妻曰妾聞志士不  
飲盜泉之水注引論語撰考識曰水名盜泉仲尼不  
漱論衡問孔篇云孔子不飲盜泉之水曾子不入勝  
母之閭避惡去汙  
不以義恥辱名也

曾子每讀喪禮泣下霑襟

類聚廿卅五 御覽三百  
八十七四百八十八 文

選恨  
賦注

孝已一夕五起視衣之厚薄枕之高卑

一作  
愛其親

也

書鈔一百廿九一百卅四 御覽四百十三七百  
七 文選長笛賦注首句作孝已事親一夜而五

起 類聚廿作常以一夕五起接曾子句下常以乃  
孝已之誤 秦策陳軫曰孝已愛其親天下皆欲以

子為

魯人有孝者三為母北魯人稱之彼其鬪則害親不

鬪則辱羸矣不若兩降之

御覽四百九十六韓非子五蠹篇云魯人從君戰

三戰三北仲尼問其故對曰吾有老父身死莫之養也仲尼以爲孝舉而上之案此卽卞莊子事韓詩外傳十及新序義勇篇並云養母與尸子同韓子以爲養父非也

韓雉見申羊於魯有龍飲於沂韓雉曰吾聞之出見虎搏之見龍射之今弗射是不得行吾聞也遂射之

水經注廿五御覽六十三無得字

荆莊王命養由基射蜻蛉王曰吾欲生得之養由基援弓射之拂左翼焉王大喜

類聚七十四莊作襄誤御覽七百四十五又

九百五十欲作願

駙馬共爲荆王使於巴見擔醜者問之是何以曰所

以酖人也於是請買之金不足又益之車馬已得之

盡注之於江

御覽四百十九

天中記五

駢馬疑巫馬之譌

公輸般爲蒙天之階階成將以攻宋墨子聞之赴於

楚行十日十夜而至於郢見般曰聞子爲階將以攻

宋宋何罪之有無罪而攻之不可謂仁胡不已也公

輸般曰不可吾旣以言之王矣墨子曰胡不見我於

王公輸般曰諾墨子見楚王曰今有人於此舍其文

軒隣有敝輿而欲竊之舍其錦繡隣有短褐而欲竊

之舍其梁肉隣有糟糠而欲竊之此爲何若人王曰

此爲竊疾耳

一作必竊疾矣

墨子曰荆之地方五千里宋之

地方五百里此猶文軒之與敝輿也荆有雲夢犀兕麋鹿盈溢江漢之魚鼈黿鼉爲天下饒宋所謂無雉兔鮒魚者也猶梁肉之與糟糠也荆有長松文梓榲柝豫章宋無長木此猶錦繡之與短褐也臣以王之攻宋也爲與此同類王曰善哉請無攻宋

類聚八十  
八 御覽

三百廿七四百六十二九百五十三又三百卅六引墨子下注云尸子又載般爲蒙天之階階成將以攻宋墨子請獻十金般曰吾義固不殺人墨子再拜墨子公輸盤篇載此事較詳盤卽般也宋策文與此略同請子彙函錄入尸子并襲用鮑彪注題其篇曰止楚師孫本亦誤收之

齊有田果者命狗曰富命子爲樂將欲祭也狗入室果呼之曰富出巫曰不祥也家果大禍長子死哭曰

樂乎而不似悲也

御覽七百卅五

並作齊

類聚卅八及御覽九百五

爲富命其子爲樂方將祭狗入於室叱之曰富出祝曰不祥家果有禍長子死哭之曰樂乎而不自悲也劉子新論鄧名篇全採此文亦云昔有貧人漢書古今人表中下有田果其鄙不應至此當別是一人

宋人有公斂皮者適市反呼曰公斂皮屠者遠收其

皮

御覽八百廿八

夷逸者夷詭諸之裔或勸其仕曰吾譬則牛也寧服

輒以耕於野不忍被繡入廟而爲犧

廣博物志四十七任本其作

之按莊子列禦寇篇云或聘於莊子莊子應其使曰子見夫犧牛乎衣以文繡食以芻菽及其牽而入於太廟雖欲爲孤犢其可得乎事與此同

楚狂接輿耕於方城

水經注卅一御覽四十三

隱者西鄉曹

鄧名世古今姓氏書辨證四  
通志氏族略三後紀十注

曼邱氏

元和姓纂九

北門子

姓纂十通志氏族略三

孔子曰詘寸而信尺小枉而大直吾爲之也

御覽八百卅

孫本爲之作弗爲誤文子上義篇老子曰屈寸而伸尺小枉而大直聖人爲之又曰屈者所以求伸也枉者所以求直也屈寸伸尺小枉大直君子爲之淮南子范論訓云詘寸而伸尺聖人爲之小枉而大直君子行之秦族訓云夫聖人之屈者以求伸也枉者以求直也故雖出邪辟之道行幽昧之塗將欲以直大道成大功孟子滕文公篇陳代引志曰枉尺而直尋宜若可爲也說苑說叢云直而不能枉不可與大任

聖人權福則取重權禍則取輕

文選運命論注五等論注國語范文子

日擇福莫若重擇禍莫若輕

君子量才而受爵量功而受祿

文選求自  
試表注

能官者必稱事

文選王元長  
曲水詩序注

守道固窮則輕王公

文選謝靈運登石門詩注  
荀子修身篇云志意修則驕富貴

矣道義重則

輕王公矣

卑牆來盜榮辱由中出敬侮由外生

林意

言美則響美言惡則響惡身長則影長身短則影短

名者響也行者影也是故慎而言將有和之慎而行

將有隨之

類聚十九 御覽三百九十四百卅  
列子說符篇載關尹子語與此同

夫龍門魚之難也太行牛之難也以德報怨人之難

也

類聚七 御覽四十八百  
九十九末句作行之難者也



厚積不登高臺不處高室多陽大室多陰故皆不居

御覽一百七十四

呂氏春秋重已篇云室大則多

陰臺高則多陽多陰則蹙多陽則痿此陰陽不適之患也是故先王不處大室不爲高臺春秋繁露循天之道篇云高臺多陽廣室多陰遠天地之和也故人

爲弗

天神曰靈地神曰祇人神曰鬼鬼者歸也故古者謂

死人爲歸人

爾雅釋訓注

五行大義三 唐沙門

列子天瑞篇云鬼歸也歸其真宅又云古者謂死人爲歸人

老萊子曰人生於天地之間寄也寄者固歸也

文選魏文

帝善哉行陸士衡豫章行古詩十九首歸去來辭注又陸士衡弔魏武帝文注固作同誤

其生也存其死也亡

文選盧子諒贈劉琨詩陸士衡門有車馬客行注

人生也亦少矣而歲往之亦速矣

文選古詩十九首注

先王之祠禮也天子祭四極諸侯祭山川大夫祭五

祀士祭其親也

御覽五百廿六廟禮記曲禮下云天子祭天地祭

書鈔八十八親作

四方祭山川祭五祀歲徧諸侯方祀祭山川祭五祀歲徧大夫祭五祀歲徧士祭其先鄭注云此蓋殷時制也白虎通五祀篇引禮曰天子祭天地諸侯祭山川卿大夫祭五祀士祭其祖

鐘鼓之聲怒而擊之則武憂而擊之則悲喜而擊之

則樂其意變其聲亦變意誠感之達於金石而況於

人乎

御覽五百七十五說苑修文篇以此爲孔子語意作志未三

句作其志誠通乎

金石而況人乎

夫瑟二十五絃其僕人鼓之則爲笑賢者以其義鼓

之欲樂則樂欲悲則悲雖有暴君爲之立變

御覽五百七十

六書鈔一百九義下有而字

文獻通考一百卅七引樂書末句作雖有暴亦不爲之變天中記四十

三同

繞梁之鳴許史鼓之非不樂也墨子以爲傷義故不

聽也

文選七命注又演連珠注故不作是弗

商容觀舞墨子吹笙墨子非樂而於樂有是也

類聚四十

四

書鈔一百十

任本有作猶

韓詩外傳二云

商容嘗執羽籥馮於馬徒欲以伐紂而不能遂去伏

於太行呂氏春秋貴因篇云墨子見荆王錦衣吹笙

因也高誘注墨子好儉非樂錦與笙非其所服也而

爲之因荆王之所欲也淮南子說山訓云爲墨而朝

吹竿高誘注墨道尚儉不好樂縣名朝歌墨子不入

非也

膳俞兒和之以薑桂爲人主上食

莊子駢拇篇釋文引崔注

鴻鵠在上扞弓彀弩以待之若發若否問二五曰不

知也非二五之難計也欲鴻之心亂之也

長短經昏智篇注

類聚七十四御覽三百四十七並作問二五弗知彀作鞞楊升庵外集四十八彀作鞞云與鞞同字彀弓弩也劉子新論專學篇云奕秋通國之善奕也當奕之時有吹笙過者傾心聽之將圍未圍之際問以奕道則不知也非奕道暴深情有壘闔笙滑之也隸首天下之善算也當算之時有鳴鴻過者彎弧擬之將發未發之閒問以三五則不知也非三五難算意有暴昧鴻亂之也蓋俱本尸子

文軒六馱題無四寸之鍵則車不行小亡則大者不

成也

類聚七十一御覽七百七十三文選七啓注淮南子繆稱訓云終年爲車無三寸之鑄

不可以驅馳按鑄當作轄人閒訓云車之所以能轉千里者以其要在三寸之轄說文云轄鍵也鍵鉉也

一日  
車轄

水非石之鑽繩非木之鋸

御覽七百六十三 說苑正諫篇枚乘上吳王書云

泰山之瀕穿石引繩久之乃以挈木水非石之鑽繩非木之鋸也而漸摩使之然

利錐不如方鑿

御覽七百六十三

水試斷鵠雁陸試斷牛馬所以觀良劍也

類聚六十書鈔一

百廿二 御覽三百四十四 韓非子顯學篇云夫觀鍛錫而察青黃區冶不能以必劍水擊鵠雁陸斷駒馬則臧獲不疑鈍利

昆吾之劍可以切玉

列子湯問篇釋文 山海經中山經昆吾之山其上多赤銅郭

注云此山出名銅色赤如火以之作刀切玉如割泥也周穆王時西戎獻之尸子所謂昆吾之劍也又云汲郡冢中得銅劍一枚長三尺五寸乃今所名爲干將劍藝文類聚八十四引郭璞赤銅贊曰昆吾之山

名銅所在切玉如泥火炎  
其采尸子所歎驗之汲宰

玉者色不如雪澤不如雨潤不如膏光不如燭取玉

甚難越三江五湖至崑崙之山千人往百人反百人

往十人至中國覆十萬之師解三千之圍意林御覽八百五

吉玉大龜山海經二注

玉淵之中驪龍蟠焉領下有珠也一切經音義廿莊子列禦寇篇云

千金之珠必在九重之淵而驪龍領下

程中國謂之豹越人謂之獬列子天瑞篇釋文

距虛不擇地而走穆天子傳一注

見驥一毛不知其狀見畫一色不知其美意林

屠者割肉則知牛長少弓人勢筋則知牛長少雕人

裁骨則知牛長少各有辨焉意林廣韻十一模御覽八百廿八毛晃

增修禮部韻略引云屠者割肉知牛之多少則沽者亦知酒之多少也

使牛捕鼠不如猫狂之捷御覽九百十二莊子道遙遊篇云子獨不見狸狌

乎身而伏以候敖者東西跳梁不避高下中於機辟死於罔罟今夫犇牛其大若垂天之雲此能爲大

矣而不  
能執鼠

大牛爲犗七尺大羊爲羝六尺大豕爲豨五尺爾雅釋畜

注疏云尸子說六畜云

五尺大犬爲猶顏氏家訓書證篇爾雅釋獸釋文止觀輔行傳宏決四之四文選

養生論注猶作獠誤任本作大犬五尺爲獠蓋以意改

羊不任駕鹽車椽不可爲楹棟

御覽九百二

戰如鬪雞勝者先鳴

御覽九百十八 一年左氏傳州綽曰平陰之役

春秋襄公廿

先二子鳴杜預注云自比於雞鬪勝而先鳴

揚州之雞裸無毛

御覽九百十八

雞司夜狸執鼠日燭人此皆不令自全

意林令一作能韓非子

揚榷篇云夫物者有所宜材者有所施各處其宜故上下無爲使雞司夜令狸執鼠皆用其能上乃無事

卵生曰琢胎生曰乳

文選東征賦注李善云琢與椽古字通任本作啄

地中有犬名曰地狼有人名曰無傷

搜神記十二 晉書五行志中

按莊子達生篇水有罔象釋文云司馬本作無傷云狀如小兒赤黑色赤爪大耳長臂一云水神名

木之精氣爲必方

類聚八十八 必作畢古字通

御覽九百五十二 按淮南子汜論



訓云木生畢方高誘注木之精也狀如鳥青色赤腳一足不食五穀廣雅釋天亦謂木神謂之畢方而山海經西山經云章峩之山有鳥焉其狀如鶴一足赤文青質而白喙名曰畢方其鳴自叫也見則其邑有譌火法苑珠林審察篇引白澤圖云火之精名曰必方狀如鳥一足以其名呼之則去又云上有山林下有川泉地理之閒生精名曰必方狀如鳥長尾薛綜注東京賦云畢方老父神如鳥一足兩翼常銜火在人家作怪災

並與此異

大木之奇靈者爲若

山海經二注尸子之語非本文也

按此乃郭氏約揚慎山海

經補注若下有木字衍

木食之人多爲仁者名爲若木

山海經注二補注作食若木者多爲仁

人按禮記中庸云天命之謂性鄭注木神則仁疏引皇氏云東方春主施生仁亦主施生春秋繁露五行相生篇云東方者木農之本司農尚仁漢書律歷志亦以仁屬木木性仁故木食之人亦爲仁者

春華秋英其名曰桂

初學記三  
類聚八十九

疴

廣韻十五海疴  
病也見尸子

春秋隱公五年初獻六羽穀梁傳云初始也穀梁子

曰舞夏天子八佾諸公六佾諸侯四佾初獻六羽始

僭樂矣尸子曰舞夏自天子至諸侯皆用八佾初獻

六羽始厲樂矣

范甯集解云言時諸侯僭侈皆用八  
佾魯於是能自減厲而始用六穀梁

子言其始僭尸  
子言其始降

春秋桓公九年冬曹伯使其世子射姑來朝穀梁傳

云朝不言使言使非正也使世子抗諸侯之禮而來

朝曹伯失正矣諸侯相見曰朝以待人父之道待人

之子以內爲失正矣內失正曹伯失正世子可以已矣則是故命也尸子曰夫已多乎道

范甯集解云邵曰已止也止曹

伯使朝之命則曹伯不陷非禮之愆世子無苟從之咎魯無失正之譏三者正則合道多矣以上二篇節錄則文義不明故錄其全文載於卷末

尸子卷下終

尸子存疑

蕭山汪繼培輯

鄭人謂玉未理者爲璞

文選演連珠注

按此見尹文子

深根固蒂

類聚八十八

按類聚有兩刻八十八卷一本引尸子曰木之精氣曰必方又曰深根固蒂一本此句別爲一條稱聲子曰在謝承後漢書之後按老子德經云有國之母可以長久是謂深根固蒂長生久視之道聲子蓋老子之譌聲俗作声與老字字形相近又脫

壞爲尸也

晉國苦奢文公以儉矯之衣不重帛食不兼肉

書鈔卅八

按此見尹文子書鈔一百廿九一百四十三並引作尹文子

黃帝時公玉帶造合宮明堂見尸子

元和姓纂十通志氏族略四

按史記封禪書云上欲治明堂奉高旁未曉其制度濟南人公玉帶上黃帝時明堂圖云云於是上令奉高作明堂汶上如帶圖帶卽漢武帝時人也而雲笈七籤一百載眞宗軒轅紀云濟南人公玉帶上黃帝明堂圖有複道上有樓從西南入此樓

之始也帝依圖制之曰合宮可以觀其行也

二語見尸

子乃立明堂之議以觀於賢也

本管子

斯爲巨謬矣

穀梁淑字元始魯人傳春秋十五卷

姓纂十氏族畧五傳上有亦

字卷作篇

按穀梁傳引尸子語當在其後尸子未必見穀梁

傳也且其文亦不類尸子

申徒狄夏賢也湯以天下讓狄以不義聞已自投於

河三姓纂

按通志氏族畧引風俗通云申徒氏隨音改爲申

屠氏申徒狄夏賢人也湯以天下授之恥以不義

聞已自投於河姓纂蓋亦用風俗通其云尸子者  
卽屠氏二字之駁文也荀子不苟篇云負石而赴

河是行之難者也而申徒狄能之

說苑說叢篇述荀子語作申屠

狄

莊子外物篇云堯與許由天下許由逃之湯與

務光務光怒之紀他聞之帥弟子而踰於窾水諸  
侯弔之三年申徒狄因以陪河是狄生於夏末聞  
湯讓務光而死非身讓天下也盜跖篇則云申徒  
狄諫而不聽負石自投於河爲魚鱉所食淮南子  
說山訓高誘注云申徒狄殷末人也不忍見紂亂  
故自沈於淵漢書鄒陽傳顏師古注引服虔注亦

云殷之末世介士也史記索隱引韋昭說又云六國時人韓詩外傳一稱申徒狄非其世將自投於河崔嘉聞而止之狄引關龍逢王子比干子胥泄冶以自況新序節士篇同則狄當爲周末世人

野鴨爲鳧家鴨爲鶩不能飛翔如庶人守耕稼而已

證類本草十九陳藏器本草引

埤雅八

按禮記曲禮下庶人之犖匹孔疏云匹鶩也野鴨曰鳧家鴨曰鶩鶩不能飛騰如庶人但守耕稼而已故鄭注宗伯云鶩取其不飛遷爾雅釋鳥云舒鳧鶩舍人及李巡云鳧野鴨名鶩家鴨名然則鳧



鷺云云乃孔冲遠之說也

海水三歲一周流波相薄故地動

事類賦  
海賦注

按類聚八御覽卅六六帖六並引作莊子此莊子  
逸文也又見初學記六下句作流相薄卽爲之地

動

楚人賣珠於鄭者爲木蘭之櫝薰以桂椒綴以玫瑰  
輯以翡翠鄭人買其櫝而還其珠此可謂善買櫝矣  
未可謂善鬻珠也

事類賦  
珠賦注

按此見韓非子外儲說左上櫝作櫃薰以桂椒二  
句作薰桂椒之櫝綴以珠玉飾以玫瑰太平御覽

八百三引韓子正與此同御覽此條與尸子水圓折者有珠相接吳氏遂誤爲尸子

水有四德沐浴羣生通流萬物仁也揚清激濁蕩去滓穢義也柔而難犯弱而難勝勇也導江疏河惡盈流謙知也

事類賦  
水賦注

按御覽五十八引顧子曰子與子華遊東池子華曰水有四德云云接尸子凡水其方折者有玉條後吳氏所見本或有脫壞故誤採之任本次於方折有玉之下蓋亦仍御覽誤本也

又見御覽六十七類聚九

漁之爲事也有釣網罟筌罟罾巢罩涔罾笱橋梁罾

算籀鈔之類

事文類聚  
前集卅七

按初學記廿二云按尸子燧人之世天下多水故

教人以漁其後堯使人水處者漁又舜漁於雷澤

蓋因修其法也

原註文子曰堯使人水處者漁山  
處者木事宜其械械宜其人尚書

大傳曰舜漁  
雷澤之中

漁之爲事也云云各以用之得魚一

也其後以下皆徐氏類舉漁事非尸子本文孫本

亦誤採其後三句

禹理洪水觀於河見白面長人魚身出曰吾河精也

授禹河圖而還於淵中

廣博物  
志十四

梁氏玉繩云水經注五河水有此條不云是尸子

按水經注本尚書中候見御覽八十二

雁銜蘆而捍網牛結陣以卻虎

廣博物志四十四

按抱朴子詰鮑篇云蜂螫挾毒以衛身智禽銜蘆以扞網獾曲其穴以避徑至之鋒水牛結陣以卻虎豹之暴文選鶴鶴賦注引云智禽銜蘆以避網水牛結陣以卻虎御覽八百九十九引同此蓋誤

抱朴子爲尸子

淮南子脩務訓云雁銜蘆而翔以避矰弋

急土

升庵外集三東北咸州曰隱土注尸子作急

按隱土見列子天瑞篇

法螺蚌而閉戶

升庵外集八

按外集又引文子法蠡蠶而閉戶以證鋪首語與  
此同然文子今本亦不載

楚人有鬻矛與盾者譽之曰吾盾之堅莫能陷也又  
譽其矛曰吾矛之利於物無不陷也或曰以子之矛  
陷子之盾何如其人弗能應也

升庵外集  
卷廿二

按此見韓非子難一及難勢

鴻飛天首高遠難明楚人以爲鳧越人以爲乙鴻常

一爾

升庵外集  
卷五十九

按九十七又引作張融語見南齊書顧歡傳

禹有進善之鼓備訊喚也

升庵外集  
卷六十四

按管子桓公問云禹立諫鼓於朝而備訊喚

虞舜灰於常羊什器於壽邱就時於負夏未嘗暫息  
頓邱買貴於是販於頓邱傳虛賣賤於是債於傳虛  
以均救之

釋史  
十

按此見路史後紀十二不云出尸子

蔡威公閉門而哭三日泣盡繼以血其鄰窺牆問曰  
何故悲哭答曰吾國且亡吾聞病之將死不可爲良  
醫國之將亡不可爲計謀吾數諫吾君不用是知將  
亡

任  
本

按御覽四百八十八引此作說苑與今權謀篇小

異四百五十引與今本同

兩智不能相救兩貴不能相臨兩辨不能相屈力均

勢敵故也

孫本引御覽

按御覽四百卅二引作尹子乃尹文子佚文見意

林

殷紂爲肉圃

惠本孫本引御覽

按御覽八百六十三引作公孫尼子初學記廿六

同

帝範閱武篇句踐賦蛙卒成帝業注云尸子作式

按尹文子云越王勾踐謀報吳欲人之勇路逢怒

蛙而軾之此尸子乃尹子之誤韓非子內儲說上  
軾作式

尸子存疑終